

東  
華  
續  
錄

東華續錄

光緒五

臣朱壽朋敬編

臣潘鴻鼎恭校

秋七月乙未朔時享 太廟遣奕訢恭代行禮○上詣 觀德殿 穆宗毅皇帝几筵前 永思殿 孝  
哲毅皇后几筵前行禮○崇實等奏奉省各屬州縣向分滿漢請補惟調署不拘此例以致歷年任意紛  
更奴才等悉心會商與其遷就委署不如量才補用合無仰懇 天恩俯念根本重地吏法久弛不得不  
隨時變通方有補救應請 旨飭下吏部嗣後奉省各屬州縣缺可否仿照熱河之例不拘滿漢一律請  
補州縣各官均加理事同知通判銜以便旗民事件統歸經理似與地方不無裨益下吏部議奏○內中  
諭前因御史余上華奏參戶部郎中散秩輕浮狂悖顛頑把持等情當派寶鑒毛昶熙查辦茲據奏稱查  
明該郎中被參專擅擅權罔上營私各節據戶部覆稱均無實據惟於辦理鍾珂升補郎中應行陳奏之  
件漏未呈回堂官請將該員交部議處裁撤所管差務並請飭該御史將原參各節指實覆奏等語即照  
所請著余上華指實覆奏再降諭旨○崇實奏省省吏治廢弛請嗣後吉林三廳同知通判出缺由該將  
軍咨行直隸奉天兩省將曾任寶缺州縣滿洲人員調往升補下吏部議奏○丁酉諭據恭理喪儀王大

臣等合詞奏懇奉移 穆宗毅皇帝 孝哲毅皇后梓宮請朕準禮節勞步送至景山東門外一摺朕受  
穆宗毅皇帝付託之重悲慟時繁現在 梓宮奉移艱深繁懣前經降旨步送至地安門外稍申哀悃  
何足盡依慕之忱今王大臣等以朕積哀之餘深恐勞勩諱詞籲懇請送至景山東門外朕雖在冲齡不  
勝連步惟中懷瞻戀曷敢告勞若如所請祇送至景山東門外而止朕心實所難安因念從前奉移 皇  
考文宗顯皇帝梓宮曾奉 穆宗毅皇帝諭旨步送至地安門外嗣因王大臣等合詞籲請仍親送至景  
山後朕撤循 成憲不敢有違此次奉移 穆宗毅皇帝 孝哲毅皇后梓宮朕當步送至景山後跪俟  
靈輿經過在中間道預往 禮殿祇候跪迎藉以少伸哀慕王大臣等不必再行瀆請○諭余上詣奏  
遵旨將戶部郎中啟續各劣款據實覆陳一摺仍著寶鋆毛昶熙按照該御史所奏各款認真辦理據實  
覆奏○己亥 上詣 觀德殿 穆宗毅皇帝几筵前行禮○庚子 上詣 觀德殿 穆宗毅皇帝几  
筵前行禮○諭軍機大臣等總理各國事務衙門奏馬嘉理被戕一案現據英國使臣照會與岑毓英摺  
內語有關涉一摺前據岑毓英奏稱騰越並無副將李姓僅有鄧署騰越鎮之候補參將李珍國又稱李  
珍國為衆商約會團一次等語此次咸安瑛給與該衙門照會復稱李姓親抵緬甸齎送詔書等情騰越  
官員李姓既祇李珍國一人是此案無論與李珍國有無關涉必應留以質證現在查辦情形究竟若何

著劉嶽昭岑毓英查明派赴緬甸齎送詔書是否卽係李珍國據實具奏務令李珍國不得擅離以待質證○鄧慶麟奏近來各省詞訟案件因命告案者十之二三案後釀命者十常八九其初長官拘於體制不肯親理細事或以情節欠圓直行批駁或批交原審衙門一寃再寃非化大爲小卽以是爲非所由紛紛京控頻煩 聖慮日事披覽之不暇也一經京控無不飭下各直省督撫秉公審辦原告照例解往備質要無非體恤案內人證並牽涉問官過多省其往返拖累豈料發交之後卽永無伸理之日而寃益增劇近查原告有死於押所者有死於道路者雖係各報病故究在可矜可疑之列其遞解到省者仍舊發交臬局無論積壓滋弊卽行提人證動經歲月原告在押候質竟有不及待訊而身先溝壑者卽或依限審結非坐原告遲刁誣告卽擬以懷疑妄控從未見平反一案查京控案內子弟痛切父兄者居多似難概以刁妄論卽或一人遲刁未必人人皆刁一案妄控未必案案皆妄或一省有健訟之風未必天下同此健訟之風大抵原案繁重經手亦多各牽所私互相迴護或串供勒結或捏詳朦銷甚至有致死滅口捏病狀捏醫方抽換屍格倒填日期以致愈寃則愈告愈告則愈寃勢有不至一網打盡而不能歇手者語云馬駭與庶人駭政悉非平世所宜況不肖州縣所恃以膽大妄爲者亦明知京控無不批發本省遞交發審局而局中仍不外原問之數人其迴護自可不言而喻此亦法久滋弊之一端也在寃民冒死

告狀原出萬不得已必使進不能伸雪前冤退不能保全身命恐愚民至此將有不肯束手待斃者向者  
官吏激釀事端卒至大肆殺戮亦可哀已方今中外又安爾陽時若正宜整頓吏治清理滯獄挽頹風而  
資上理恤民命而迓天庥相應請旨飭下各直省督撫府尹嗣後欽奉諭旨發交案件及本屬上  
控之案務必嚴飭承審之員認真訊辦務得確情不准徇私袒護致滋冤濫如承審不公別經發覺卽照  
故出入例議處庶政刑清而天下平矣上諭御史鄧慶麟奏京控案件請飭認真訊辦等語各省京控  
案件該督撫本應親提研訊秉公辦理若如該御史所奏近來各省交訊之案從未平反甚至積壓迴護  
冤累愈多實屬不成事體嗣後各直省督撫府尹遇有發交案件及各本屬上控之案嚴飭承審各員認  
真辦理務得確情不准徇私袒護致滋冤濫倘別經發覺卽照故出入例議處以慎刑獄而重民命○辛  
丑諭李鴻章嚴催直隸各屬撥解饑餉地租並長蘆利銀○永定河南二王漫口○癸卯命前署陝西  
巡撫劉典以三品京堂候補辦理陝甘軍務○予故江蘇蘇州布政使劉邵晉於上海縣建祠○左宗棠  
奏新疆之事從前因兵力餉事未能兼顧遂至叛回構變強敵窺邊土宇人民不可覆按於此而欲力圖  
恢復整二萬里戎索之得還之職方戡萬千族殊俗之民漸以聲教正值寶區甫靖財力久殫內患雖平  
民勞未艾其難誠有倍於拓疆之始者微臣庸朽非才又值衰疾侵尋志慮鈍竭何敢不自忖量謬以自

承顧念臣子之義歟重匪躬軀場攸司責無他諉自從戎伊始卽矢盡瘁馳驅豈頭白臨邊忽易初志謹將所籌情形爲我 皇上敬陳之一曰廣籌軍糧也師行北路宜用北路之糧不但節費亦免耗糧前疏已詳之南路肅局既有見糧又車駝變阻雇價多可以潛運自宜嚴切督催以廣儲峙北局設於歸化分局設於包頭飭升用知府前署綏德直隸州知州陳瑞芝提督銜總兵蕭兆元司之雇民駝轉運計自三月至五月據報陸續運過四十餘萬斤至巴里坤每百斤牽合銀八兩內外袁保恆前奏甯夏採運臣飭甯夏鎮總兵記名提督譚拔萃甯夏府知府李宗寶接辦見據報已雇駝數百先由察罕廟試行如果此路通利再爲加辦察看漠北素產健駝又使水草惜久未開運倉卒應募者少又駝戶每以拉差爲苦疑沮不前臣見飭巴里坤鎮鎮道嚴行示禁冀開風踵至運道暢行庶餉餼可通亦收節省之益正辦理間適俄國游歷官索思諾福斯齊等到關與之談論近事索思諾福斯齊自稱俄國在山諾爾地方糧產甚多駝隻亦健距中國古城地方不遠如中國需用糧食伊可代辦送至古城交收由俄起運須護運兵弁均由在山諾爾派撥其兵費一併攤入糧腳價內每百斤需銀七兩五錢如年豐糧多駝腳不貴則價尙可減也比卽與定議訂立合約計年內可運古城糧二百萬斤明年夏可運足三百萬斤索思諾福斯齊已專兵八瓦勞伏前往告知其地巡撫據稱斷不致誤臣見委知府銜甘肅候補同知丁鵬等

赴巴里坤又委布政使銜甘肅卽補道陶兆熊等赴古城辦理採糧開墾及收支事宜此北路籌糧情形也南路肅局存見糧三萬餘石安西局存見糧一百數十萬斤哈密局除張曜各營外存見糧一百三十萬斤見正趕緊運張曜在哈密辦屯墾水利事必躬親不惜勞瘁據報墾荒地一萬九千餘畝可獲糧數千石見據甘涼肅各屬州縣稟報今歲夏雨優渥冀獲豐稔將來新糧市價有減無增車駝之受雇者亦日多一口轉運較從前稍易此南路籌糧情形也臣因歸化包頭採運巴里坤較涼甘肅採運巴里坤脚價大減而糧則實裝實卸別無虛耗故決計於北路開一運道陸續撥兌實銀已四十餘萬兩甯夏已發銀三萬兩計秋高駝集運數可增南路由甘運肅由肅運安西均用車駝由安西運哈密運巴里坤均用駝隻節設廠局潯水泉刈草薪以利運道一切經費統於現辦採運項下開支計轉輸轉般運數可倍此合南北兩運籌巴里坤之糧也俄國在山諾爾地方緊接我布倫托海邊界距古城數百里俄人代爲採運二百萬斤送古城視巴里坤運古城路程較近實屬獲之意外計需銀十五萬兩此於北路之北籌古城之糧也就目前局勢籌應前敵急需事之所得爲者祇此歷代之論邊防莫不以開荒爲首務或辦之用兵之時以省轉饋或辦之事定之後以規久遠要之得人則有益軍儲不得其人則虛糜經費且西北治地開荒尤資水利就窪潯水障之令深引渠溉田瀾之令普既需人工尤資器具而哈密土質最溼

土工石工外別有毛氈包裹之工爲他處所罕既須多辦器具又需廣備氈條開墾之先所費卽巨臣於  
張曜由安進屯哈密時已津貼過運腳等銀五萬餘兩購辦氈條價腳銀約九萬一千餘兩張曜躬率所  
部殫力經營而後得著成效計以後踵而行之展此奧區保綏戎藩而成數十百年無窮之利見復經畫  
巴里坤收召飢兵一千三百餘名每月給餉銀三千兩配以矛桿槍礮子藥俾其復成勁旅復委甘肅同  
知丁鶚等勸辦屯墾事務兼收包歸甯夏所解軍糧惟巴里坤地當天山頂昨氣候凝寒積設天時地利  
人和等處久已荒廢屯務雖興暫尙難供客軍坐食也山巴城而西北七姑地勢沃衍天氣漸和由此而  
古城通西一帶更稱膏腴上壤景廉所辦公屯私屯外餘荒甚多若兵民盡力耕墾不虞乏食臣見委布  
政使銜甘肅補用道陶兆熊據帶員弁前赴古城驗收俄人代辦軍糧支發價腳一面察看古城一帶情  
形經畫屯墾事宜隨時馳稟核奪此籌哈密巴里坤古城糧運屯墾情形也一曰兵事宜早爲整理也西  
事稽延至今未睹成效由於冗食多而戰士少耳旗綠諸營久不足額就近各省無勁兵應調於是取土  
著兵民及各處就食兵民授地耕墾一備軍食一備戰守無事則驅其盡力隴畝有事則調其效命鋒鏑  
謂之且耕且戰事非不勞謂之卽兵卽農名非不美然調赴期會則彼此觀望數日不能取齊應令前驅  
則勇怯雜糅氣勢不能完整其何以戰且旣挂名武籍又令其從事耕耘臂猶左手握圓右手握方兩者



相兼必致一無所就是且戰之兵不能戰且耕之兵不暇耕也茲宜劃兵農爲二擇其精壯有膽之兵宜馬者馬宜步者步束以營制一如內地軍營其會著戰績如徐學功輩用之爲管帶爲營帶其才能辦事如孔才輩用之爲幫辦凡督帶管帶以及所部哨官什長酌給薪水辦公銀兩散人給餉與糧按照客軍營制減給其恩弱不任戰者散之爲農按照戶口指餘荒地畝令其承墾山官酌給籽種農器耕牛收穫後繳本歸倉外不取息其所獲糧石由官照時價收買庶簡其精壯營伍可得而實散其恩弱屯墾可得而增兩利之道也關外各城所駐大臣有辦事領隊幫辦之分所駐之兵有錫伯索倫達呼爾察哈爾蒙古厄魯特沙畢納爾及綠營攜眷兵換防番戍兵之分亂後舊制不可復按而辦事幫辦領隊大臣於本營存兵外兼帶馬步各營各請專餉所稱馬隊步隊既罕能戰之兵而辦事幫辦領隊各員又非盡知兵之選徒廩餉無濟實用都統及各大臣因慮產餉未極其豐增隨吏形其絀力主畫地自封閉關謝客之議以護官私屯糧不顧兵事利鈍金順進駐古城張曜進屯哈密遲回不前而後隊尙連還原防者以此見在巴里坤古城已辦採運哈密已開營屯金順張曜兩軍留後之隊應卽陸續開拔兵力既增則屯丁可減竊維此時必分別兵農責兵以戰課農以耕而後餉事可節兵事可精也哈密巴里坤古城所駐各大臣就兄在所存旗營核定糧餉如缺額過多准照舊額馬步就地挑募丁壯補數但責其保守城隘

不必責以戰事脫屯丁伍籍散之歸農則盡力隴畝民樂耕其野而官屯私屯地畝收稅餘糧准照時價發糶民益得其饒不但分駐各軍可資接濟即調發續進馬步沿途就地採購毋期裹糧以趨於兵事更覺順利較之見在辦法兵農兩荒不猶愈乎如蒙 聖明鑒允應請 飭下金順文麟遵照辦理庶於時局有裨此籌整理哈密巴里坤古城兵事實在情形也 諭旨關外兵事餉事並轉運事宜均責 督辦而蘭州距前敵數千里餉糧轉運雖可總其成而添預戎機則調度指麾不能發當其可自當簡率大軍親駐肅州相機辦理惟師行糧隨事豫則立當此新穀未升駝隻歇廠轉運難期暢旺之時不先將前敵各軍食糧運充裕催其留後各營陸續開行而連大車進發致占前敵軍食向後彼此兼顧更費周章督臣兼司關隴轉運遼闊移節肅州距關內腹地太遠又苦鞭長莫及調集各軍所遺營壘均是扼要地方非極其緩急移撥堪紮於建威銷萌之計亦形疏略見在一而督飭西路各局於駝隻起廠之前趕催車駝層遞運一至八月即調新駝分駐安西哈密各處分段層遞轉輸而調回車駝搬運新糧一運運安西糧局一運供 臣部軍食庶期會從容奮力舒展於事均便一面調集各路將領商議出關隨征留後防守各事宜及移營分紮一切務臻周妥 臣之進駐肅州未能求速者此也又奏 臣茲出塞遠征兵事必以關隴為根本一有間隔則局勢立行滯礙貽誤戎機而所事又未能預計歲月師行又未能預計遠近

若非慎圖於始何能登意馳驅無愛後顧此私懷所不能釋然者也。臣所部將士雖兼收並採不專一省一路之人而自咸豐十年從戎以來久藉故鄉子弟之力至今鍊閱伍籍湖湘之產居多使嗣事之人非所素習則留後各軍營未能適然無疑指揮或難得力甘肅雖大局已定四境晏然回番善詐多疑本其常態非善爲撫馭亦恐措置失當事變旋生所以不敢遽請簡放實任者以此伏見前署陝西撫臣三品卿銜二品頂戴劉典於臣在籍練軍時卽總理軍營務厥後轉戰江皖浙閩廣東幫辦陝甘軍務獨當一面之日恆多其著陝西巡撫肅清全省功績昭彰伏懇天恩飭令劉典速赴蘭州幫辦陝甘軍務本熟路而駕輕車外可孚民望內足協軍情於時局必有裨益此外尙有二品頂戴開復山西臬司陳湜一員本有用之才於甘肅地方軍務情形尤爲熟悉前以修墓告假回籍尙未來蘭臣已臆催迅速前來謹併陳明上諭軍機大臣等左宗棠奏籌畫新疆軍務情形一摺新疆地方從前因兵力餉事未能兼顧以致久稽規復見在關內肅清正宜乘此事機力圖大舉綏靖邊疆左宗棠此次所陳籌辦糧運兵事有條不紊頗合機宜南北路分籌採運著該大臣督飭委員等妥爲經理俄官索思諾福斯齊到甘左宗棠與之商定由該國購糧運赴古城於軍食亦有裨益開屯爲邊防要務全在得人而理據奏張曜進屯哈密親率所部殫力經營已著成效該提督現未移軍務當實力興辦以規久遠巴里坤古城一帶開墾

事宜左宗棠見派員前往察看並著該大臣悉心經畫次第舉行西路各營兵勇不宜耕戰相兼該大臣所奏擇其精壯者東以營制如徐學功輩分別任用其不能戰者散之爲農卽著左宗棠金順會商妥辦以實營伍而增屯墾金順張曜兩軍留後之隊卽當開拔前進兵力既增則屯丁可減據稱哈密巴里坤古城所駐各大臣應就見在所存旗營核定糧餉如缺額過多准照舊額馬步就近挑募丁壯補數但責其保守城池不必責以戰事脫屯丁伍籍散之歸農官屯私屯地畝收穫糧餘准照時價發贖各軍可資接濟兵事更覺順利等語著金順文麟卽照該大臣所籌辦理左宗棠擬俟前敵軍糧運充裕甘省防守各事布置周妥卽簡率大軍進紮肅州該大臣當妥速區畫俾出關各軍整肅西進迅奏膚功朝廷實有厚望焉左宗棠所奏請派大員幫辦等語已明降諭旨將劉典以三品京堂候補幫辦陝甘軍務并諭王文韶催令劉典陳湜迅赴該大臣軍營矣將此由六百里諭知左宗棠金順文麟并傳諭張曜知之○甲辰嚴催山東運司撥解工部生息銀兩兩淮運使撥解步軍統領衙門帑利銀兩○諭翁同龢奏請免抽收湖北省米穀釐金一摺湖北被兵最久民間元氣未復本省所產米穀不敷必須外省接濟若照常抽收糧價難期平減閭閻生計維艱亟應及時體恤著照所請卽將湖北省米穀釐金概行蠲免以紓民力○乙巳諭張兆棟奏閩姓賭局已禁不宜復開一摺廣東閩姓賭局前經降旨裁革該督撫自應遵旨

嚴禁乃本年五月內英翰以此項捐罰收款甚鉅可指為辦防之用輒於具奏後不候諭旨遽行出示弛禁殊屬不合英翰著交部議處仍著該督撫遵照六月初四日諭旨將開姓賭款嚴申禁令永遠裁革不准藉詞復開以肅政體○劉坤一奏江蘇省水師補缺章程向例別內河外海迨前督臣曾國藩酌改水師新章分為外海內洋裏河三大缺外海各營輪流出洋巡哨與裏河情形不同至內洋裏河同一分段梭巡初無二致遇有缺出若各營按班選補人數寥寥必多遷就不足以收實效臣與提督李瑚斌往返咨商擬請嗣後除內洋人員本准與外海各員統補外其裏河五營與內洋五營遇有缺出亦准通融酌補庶可易於揀選下兵部議奏○丁未崇實清凱岐元奏遵照部議將 興京添設副都統等官應行籌辦事宜會同酌擬條款請 勅部核議施行得 旨下部議○丁寶楨奏請澤貢莊大工修築南岸長堤暨補修北岸金堤一律完竣請 特派大員臨工周歷查勘以昭慎重得 旨毋庸派員查勘○諭軍機大臣等臺郡事宜漸次就緒沈葆楨交代清楚著即前赴新任籌辦海防毋庸來京陛見○己酉上詣 奉先殿 壽皇殿行禮畢詣 觀德殿 穆宗毅皇帝几筵前 永思殿 孝哲毅皇后几筵前行禮○文麟奏奴才前因威儀各營弁勇裁併共成馬步十營當將本軍應需糧餉切實核計奏請按月指撥軍餉糧價銀五萬兩一摺同治十三年十月十九日奉 硃批戶部議奏欽此茲於本年正月間接

奏部咨以奴才請撥之款現因奏准新章新疆各城請撥應需餉項均應咨明左宗棠袁保恆核明奏撥以歸劃一其奴才軍中應需軍餉議令仍由山西河南已撥未解各款並各省積欠新疆月餉內催提應用毋庸另議指撥等因具奏奉旨依議欽此恭錄行知前來奴才於接奉後遵將各營應需糧餉雜款等項數目備文咨請陝甘督臣左宗棠西征糧臺袁保恆核明奏撥並分派委員馳往山西河南等省再行催提各在案奴才伏思哈密軍餉久已不支士卒枵腹荷戈異常苦累歷年以來若非奴才東掘西添竭力支持早有譁潰之勢第查山西河南已撥未解本年欠款當經奴才屢派委員馳往守提乃迭據該省大吏來函示以庫款支絀入不敷出難以辦解情形此次雖經派委復向催提諒一時亦難起解而咨請督臣左宗棠等核撥之款是否能為代籌尙難懸定其威儀一軍每月應分各省協解新疆月餉一萬四千兩自榮全奏准後迄今二年之久僅收到銀三千餘兩如此有名無實之餉何足以濟軍用刻下奴才軍中糧餉兩缺已及兩月之久兼以西征各軍絡繹西進肆行採辦軍糧裹帶口食以致糶價日昂直逾尋常數倍而奴才所統之眾必須按日計口授食際此米珠薪桂實屬一籌莫展現經金順張曜並回子親王目擊奴才勢處萬難推食兼顧每處先行挪借銀數千兩以供支放然杯水車薪無濟於事只可暫救燃眉之急似此剝肉補瘡斷難久恃現當用兵規復新疆哈密為各軍策應兼通吐魯番等處最

屬衝要之區此時尤宜設法堵剿以期盡絕根株且恐該逆等聞風進兵勢必意思蠢動則哈密更形喫緊直與前敵無異迭奉 寄諭飭令妥籌防守仰見 聖慮周詳無微不至奴才自當隨時布置何敢稍就安逸致誤戎機然當此防剿緊要之時該士卒効命之際正當糧餉充裕方足壯其聲勢若使餉軍枵腹從事安能驅策直前再四熟思實非現餉趕緊接濟各軍且有朝不保夕之勢若必拘定部章須由督臣核明奏撥實屬緩不濟急設有不虞非奴才難以當此重咎則新疆全局何堪設想合無仰懇 天恩俯念邊務緊要餉軍待餉孔亟請由部庫先行 賞借庫款現銀十萬兩再請指由山東省籌撥軍餉銀十萬兩如蒙 俞允所有借用部庫之款即請由 奴才應分新疆月餉及山西河南專款或由督臣核撥各款內劃還解部以清部款而重帑項至此時正值庫款支絀之際 奴才受 恩深重具有天良原不應冒昧陳請然奴才實因軍用過急刻難緩待一俟餉源稍可敷衍斷不敢再行借請是以專派候選筆帖式廣恩營弁張貴彌摺北上恭候 命下之日即由該員等親身赴部承領星飛解運來營以期妥速而濟軍用得 旨戶部速議具奏○文麟奏閩戶部奏稱哈密糧價與古城懸殊過甚未據聲敘是否並兼脚運計算在內各等因查哈密糧價自十二年冬季漲至十五六兩有奇原係統兼運價計算其巴里坤之價雖不過七八兩之間然加以運費與哈密價相同歷年以來並未平減奴才上年由回部所採之糧

定以每石作銀十兩同私價爲準誠恐夏民不堪只得議增以十二兩作價奴才均於摺內隨時陳明然其地距哈密或三百里或五六百里統須另發運價目下山東等處業經搜羅殆盡只得由敦煌採辦現時敦煌糧價每石不過十兩上下而每運百斤必須腳價六兩摺內已經縷陳則是每石直至二十八兩之間關外十室九空本鮮蓄藏萬里沙漠尤艱輓運哈密目下糧腳各價不惟與古城濟木薩等處情形相懸與十二三年哈密本處直難概論奴才近日籌餉既浩盼餉尤迫實由於此得旨下戶部知之○辛亥上詣奉先殿壽皇殿行禮○甲寅上詣觀德殿穆宗毅皇帝几筵前永思殿孝哲毅皇后几筵前行禮○丙辰上詣觀德殿穆宗毅皇帝几筵前行禮○諭劉坤一文彬奏幅匪闊廣秦等在山東江北一帶肆擾經劉坤一文彬分飭官軍會同山東各營協剿該匪聚眾大山宋家嶼汴塘等處各軍三面兜擊擒斬多名並將匪首闊廣秦拿獲正法剿辦尙爲妥速惟江蘇山東壤界毗連仍恐伏莽未淨亟應嚴密查拿著劉坤一文彬吳元炳丁寶楨分飭派出各軍協緝餘匪認真捕拿毋任勾結爲患○戊午以岐元爲盛京戶部侍郎兼署奉天府府尹○崇實奏奴才自署任以來屢奉諭旨諄諄以奉省積弊太深急宜變通以期整頓復於七月初四日接到軍機大臣字寄奉 上諭該省事權不一從前將軍府尹往往各存意見以致政令歧出遇事抵牾該處公事究竟因何不能彼此聯



絡勢成掣肘著崇實將實在情形並酌定章程妥議具奏等因欽此奴才膺茲艱鉅兢惕難名誠恐稍有疎虞無補萬一故於初到奉省時雖查辦事件頭緒紛繁而地方情形業經隨時入告不敢略避嫌怨致涉欺朦凡所吸陳久邀 聖鑒現又督飭司員會同本城滿漢首領各官互相討論復於其間博採眾議不厭精詳在深明大義者急願更張而瞻顧私情者未免疑阻奴才統籌全局體驗再三與其築室道謀不如臨幾立斷實事求是漸有端倪竊以興利不難難於除弊弊之習於下者易除弊之倡於上者難除故整飭官常必由大吏始伏查奉省將軍之設迄於地方各員 國初至今屢有增易在 朝廷因時制宜原無歷久不變之法惟是 陪都重地根本所關若使建置規模不同各省殊不足以重維繫而示尊崇目下習染所趨未便再拘成格奴才輾轉思維惟有仍存五部之名以降體制兼仿督撫之例以一事權救弊補偏大綱已立然後籌經費以資辦公則賄賂之風可息專責成以防推諉則盜賊之源可清謹將現議章程條分縷晰敷爲 皇太后 皇上詳陳之一將軍事務宜變通也查省積弊由於旗民不和而推其本原實緣大吏之先存意見將軍於地方各官向不兼轄遇有會辦公件呼應往往不靈溯其建基之初原與五部隱相兼攝故至今公廩多半會銜厥後將軍威望漸輕而五部權力遂重其中輩尹歸於戶部與將軍更易抗衡旗民兩途均不相下雖有會福等於虛文近年輿論且謂奉省大員既非京而

非外將軍名位雖有權而無權因此風氣所開僚屬亦各立門戶有爲者轉多顧忌無能者不免瞻徇而公事遂不堪設想夫將軍鎮守地方如何鄭重卽朝廷飭議所在無不首肯責成今則畛域各分何以統持全局且既督辦軍務於兵營糧餉皆當並籌而將軍向仿京員印信亦存公署每辦一事經手多人往復兼鈴斷難機密奴才近發緊要文移因奉使出京帶有刑部預印空白得以親加封遞方免窺探之私若拘定章必多誤事擬請旨將盛京將軍一缺改爲管理兵刑兩部兼管奉天府府尹事務卽仿各省總督體制例加兵部尚書銜另頒總督奉天旗民地方軍務關防一顆並兼理糧餉字樣以便管帶金銀庫印鑰且可稽核戶部出入其餘公事悉仍其舊如此則旗民文武全歸統轄機密重件亦易防閑卽糧餉兵刑悉有總理之責而三陵內務府原係本職所司惟永陵離省較遠今既添設副都統則實有攸歸其餘各部事務皆令與將軍和衷商辦此維持通省之苦衷實挈領提綱之先務也一府尹事權宜變通也察吏安民府尹最重本與兼尹相助爲理惟兼尹向屬戶部而旗民交涉之獄又須由刑部會辦定案近年民多於旗輟輟最甚府尹雖設有獻局審斷每不得自專往往一事而上制於戶部之兼尹旁牽於刑部之會訊稽留往復清理良難各州縣中詳此等案情亦遂紛而無主甚至苞苴爭納徑賈互開多一兼管衙門卽多一需索地步此弊之在上者健訟成風意存拖累原告方控府尹被告又控刑

部而部中司員復不遵定章任意收呈隨處提案問官亦有偏袒胥吏因而作奸濬結無期互傳不到其中命盜重案竟使待質囹圄多至一二十年微論瘕死紛紛無從呼訴而挾仇勒索尤深至於會讞屍傷每以索費久稽動輒數月此弊之在民者也擬請 旨將奉天府尹一缺加二品銜以右副都御史行巡撫事旗民各務悉歸專理俾與將軍相承一氣不致兩歧以此安民先免株累以此察吏方有稟承通省紀綱斯爲樞紐一五部事權宜變通也奉天及吉黑兩省側需應於戶部其任非輕不宜再兼府尹反增枝節而 三陵典禮 大內工程禮工兩部各有專司皆於民間無涉至將軍雖管理兵刑而該部堂官責無旁貸五部侍郎應仍其舊無須移動俾免紛更夫刑部之弊前已略陳相應請 旨申明定例亦如京中刑部體制嗣後惟旗民交涉罪在犯徒以上者方准該部按律定擬其餘一概不得干預該司官等如再有違例收呈提案及相驗逾限等事徑由將軍指名嚴參以杜侵官而紓民困至兵部僅管驛丁事原簡易惟文書任意私拆漏洩太多一言未上而通國皆知一令未頒而浮議先起甚至機密鈔封往往破損此外尋常公牘積壓遺失不可勝言竊思陳奏機宜軍尹兩處多於各部今以將軍管理即可一手整齊更擬請 旨將地方同通州縣各員兼理驛務所有向設驛丁准其會同兵部所派之驛站監督隨時察核沿途逐站皆得其人文報攸關亟宜並議一奉天府治中一缺宜變通也奉省大吏太多

而下僚太少未免足輕首重是以政令不齊查兼尹府尹以次少一承上啟下之最爲之關捩僅有承德縣知縣聯屬之際太覺不倫治中究係京員外官勢不相洽而通省清查虧空督辦案情須有專司方資表率擬於秦省中添設首道一缺名曰秦天驛巡道閩省驛站及新設捕盜營之同通州縣悉隸其下俾得稽巡惟增修衙署招募胥役規費殊多猝無所出擬即將治中一缺加一道銜兼行首道事務另頒奉天驛巡道關防一顆餘仍其舊如蒙議准則廉俸亦須隨後另籌事權既不參差體制較爲完備查治中本係漢缺向歸捐選嗣後應將正途出身人員改爲請旨簡放以昭慎重一旗民地方各官宜變通也旗民交涉之案各州縣與各城守尉等官會同辦理查其列銜之處應將軍則尉縣並書鹽府尹則有縣無尉同一公牘任意分歧遂致守尉日中幾無府尹營私挾詐何所不爲且於地方尤有數弊旗界同居非親卽友官中公事但論私情其弊一也會辦各員未能和衷彼此留難案久懸擱其弊二也命盜重件遇有旗人則借端索爲護符託本管爲說情之地抗拒客應不服查拿其弊三也指盜不力州縣官處分綦嚴而城守尉佐領等官尤有專責乃盡委罪於騎驢校之身及領催徵派諸員指名掛摺劫掠橫行致無忌憚其弊四也上分其肥下受其毒曲直無從申理州縣亦隨因循是以奴才前次請照熱河定例將地方同通以下全加理事等銜片奏在案今更擬請旨嗣後秦省地方一切案件無論旗民專歸同

通州縣等官管理其旗界大小各員只准經理旗租緝捕盜賊此外不得絲毫干預其緝捕處分自城守尉至路記佐領必與州縣等官一律輕重不得以屬升隨時遷貶而本城旗人尤須再申定例不許做本界武職如此劃清限制自無包庇牽掣之虞至各處城守尉本係宗室專缺官階同於道府責成亦遂不輕嗣後請旨簡放時擬擇宗室中諳練政事之員方能稱職如其才力不勝應由將軍隨時甄別方不至貽誤地方其餘民界各官升途太隘雖有京察計典奉省均屬具文是以吏治毫無振作擬併請將奉省道府同通州縣由吏部推展升途力加鼓勵庶幾有所激勸百廢可興是以爲根本儲才急務也一各大吏養廉宜變通也奉省賄賂公行已非一日原情而論出於貪黷者猶少迫於窮困者實多查將軍養廉雖名八成而官票每兩折銀只以二錢五分入算此外一成停止一成實折廉額二千兩實數僅五百餘金推之府尹府丞又當四成遞折實數不過二百餘金矣借此從公萬難敷衍不得已設爲名目取給下僚有節壽之微儀有月費之攤款自兼升刑部迄於府尹府丞凡涉詞訟之官地方無不饋送變本加厲習爲故常甚至民間訛傳委缺必酬到任必謝而營求囑託又無論矣卽有清潔自好之員迫於時勢亦姑擇受一二不敢矯異鳴高夫上官既資於下僚下僚必歛於百姓追呼掊克激成事端是以官習爲不廉而極之於縱役分贓民亦習爲不廉而極之於殺人放火典章國顧教化不興此陋規相沿實奉

都第一大弊也竊思興廉不難宜於善養若以竭蹶辦公之力復有衣食內顧之憂不惟貶墜人材亦覺有傷政體 國家原情之法本不苦以所難擬請 旨嗣後奉都大吏養廉與其遞折但立虛名不如另減歸於實濟將軍既照總督例卽以至少省分計之養廉當一萬八千金府尹既照巡撫例養廉至少當一萬二千金然值此時艱必須力求節省因核各處用度將軍養廉至少非實銀八千兩不可府尹養廉至少非實銀六千兩不可而府尹內有幕僚外有役食六千兩之數仍屬難敷查各地方官向有攤派之款奴才細加分別凡涉私規悉行汰去尙留公用三四千金擬卽令其匯解府尹衙門以補公用之不足府丞既兼學政亦係外官今既裁撤陋規其養廉非實銀二千亦難有濟以上各款可否卽由海關道徵收盈餘及新增盈餘兩項下按年支解作正開銷並懇 天恩格外俯恤所有奉省督撫學政養廉均給實銀外餘如副都統五部侍郎廉俸原額本少皆准八成實放不必迭爲折扣而將軍兼轄事務繁支用尤鉅雖議養廉八千仍恐不敷所以奴才另有津貼公費之籌具詳此下條款亦知 國用未充可減則減豈容別生枝節徒事虛糜惟關外情形迥殊各省既欲力除積弊使當籌及通盤況乎宅錫留豐自古不嫌優異力培根本分所當然外省養廉豈容並論在帑項所支無幾而大局所全已多苟可補苴何敢遽就自經此次議定章程後凡奉省向來各大吏一切全分半分陋規概行禁革再蹈前轍立予嚴懲在小

民可稍免苛求而墨吏亦無所藉口清源正本莫切於斯一倉差陋規宜變通也奏省各旗草豆由折色以至實徵最不劃一數則任意增減田則任人歸併宗室未完之款或取於平民富紳應納之糧反派之貧戶浮收包攬百弊叢生而正供之外尙有盈餘謂之倉差規費每年收租例由將軍專派督催協領一員由各部分派正副監督司官二員其奉派之員每年納規費於本管上司始而每人不過三四十金繼則五六千金近來增至八九千金本屬私供遂無定數往往承辦各員借貸墊賠致招物議甚或藉此訛索其患仍受於民奴才洞悉其弊現將旗租草豆章程改爲一律無論宗室平民上中下戶酌一適中之數按畝交收以此貧民同聲感戴所不便者惟包糧之土棍及不法之豪強耳如此力加核減仍有盈餘約在一萬五六千金竊思此項雖非正供尙於地方無礙欲必概行裁撤未免竭澤而漁與其任作私規茫無限制不如改充公費免再誅求惟五部尙係輪派司員計必遞推三年始受規費一節任有久暫事必不均奴才擬於盈餘中先提一萬金作爲五部侍郎公費每歲各分二千以資貼補而派員督辦仍循舊章餘千金卽充軍署公費所取有定較覺光明查前任將軍都興阿最稱清介始則力却此款後亦藉以資生及其身後仍復蕭條仰蒙 恩賞千金始得扶柩歸里亦可慨廉吏之難爲矣奴才此次與岐元出差幸荷 恩施准給口分從公半載方可支持故於地方毫不沾染一俟養廉增定卽請停支是知

規費潤餘各員萬非得已若再多方囑飾終有玷於官箴惟以臣子苦衷上求諒於 君父冒瀆至此悚  
仄難安然既化私而爲官卽非損下以益上或亦因利乘便之一端也以上章程均係奉省緊要關鍵挽  
回大局略具於此 上諭崇實奏遵 旨變通奉天吏治章程一摺著軍機大臣六部九卿會議具奏○  
己未 上詣 壽皇殿行禮○以魁齡爲崇文門監督奕謨爲副監督○諭內務府奏差務緊要請飭催  
解欠欸一摺直隸長蘆鹽政及山東欠解內務府帑利生息銀兩爲數甚鉅報解寥寥現在該衙門備辦  
要差需欸孔急著直隸總督山東巡撫將歷年拖欠內務府帑利銀兩無論如何設法各行解解銀二十  
萬兩務於八月內解交該衙門應用嗣後務須年清年欸不得稍有拖欠以濟要需○庚申諭萬青藜等  
奏宗室冒認地畝請有辦理一摺據稱同治十一年間宗室惠齡控洪澤遠不准贖地一案業經戶部會  
同宗人府訊明將此項地畝斷令入官升科今輔國將軍宗室載坤楓樁係伊地畝載坤並有被控私設  
公堂捆人搶奪情事案關宗室冒認地畝沿村滋擾亟應澈底根究以期水落石出卽著宗人府會同刑  
部提集人證卷宗研訊明確定擬具奏輔國將軍宗室載坤著先行解任聽候傳質○辛酉諭御史袁承  
業奏特參倉監督放米遲延請飭查辦一摺據稱祿米倉監督依凌阿韓榕於應放兵米節節耽延並將  
倉儲米石任意暴露等語依凌阿韓榕著暫行解任卽著倉場侍郎確切查明如有前項弊端卽行從嚴



參辦並著遴委明幹之員前往署理以重職守○予河南巡撫錢鼎銘事蹟交國史館立傳○文麟奏哈  
密辦理軍務文武各官一切養廉請照回子親王俸銀一概均於軍餉款內坐支報部請銷允之○壬戌  
以恩承兼署戶部左侍郎○命郭嵩燾解福建按察使任以侍郎候補○諭軍機大臣等英國馬嘉理一  
案威妥現在津與李鴻章疊次晤面已有旨派李鴻章丁日昌將此案與之商議該督等當悉心籌畫妥  
商定議以顧大局○癸亥以張岳齡為福建按察使○甲子 上詣 觀德殿 穆宗毅皇帝几筵前行  
禮

八月乙丑朔以押送朝鮮貢物遲誤要差革佐領恩倬騎校塔降阿職○諭前據御史恭鎰奏粵海關  
稅務請飭委員襄辦當諭令英翰等會商具奏前據英翰等奏稱查明粵海關大關事宜均係該監督自  
行經理從不假手家丁在事人等尙無縱私漁利情事其大小違近各口或專用委員或酌派家丁係遵  
乾隆年間奏定章程辦理請仍循舊章等語粵海關稅務既據英翰等奏稱並無專用家丁暨總辦名  
目等事即著照舊辦理仍著該督撫監督等一體認真稽查倘有舞弊營私情事無論委員丁書有犯必  
懲秉公究辦以昭核實而杜弊端○內寅以甘肅副將武全於同治四年剿匪撲永固城時督戰陣亡家  
屬同時殉難交部議卹○丁卯命湖北布政使林之望江蘇按察使應寶時開缺來京另候簡用○以劉

加一爲兩廣總督劉秉璋爲江西巡撫○以李文敏爲江西布政使任道鎔爲江西按察使○長善果勒敏奏奴才等仰承 簡命鎮守粵東抵任以來於旗營事務認真整頓地方公事向不干預惟目下情形實有不敢安於緘默者緣督臣英翰在安徽巡撫任內辦理軍務有年部下文武員弁甚多擇其奔走勤能者引爲心腹之用候補道裕庚前在安徽辦理文案爲英翰所信任該道賦性貪婪怨聲載道今隨帶來粵仍令辦理文案所有華洋一切大小公務皆由該道主持屬員回稟事件亦由該道代傳每日自督署歸寓輒馬盈門夜深始散雖無營私納賄確據而其把持招搖不知檢束已可概見奴才長善曾與英翰言及裕庚外間居住恐招物議英翰謂裕庚人甚正派可保無他是英翰始終被其蠱惑未能覺察所謂虛杞不見奸邪始爲真正奸邪者也其餘文武員弁紛至沓來提鎮道府不一而足俱經英翰派充隨員辦理文案營務並開單交海防局籌給薪水公費如記名提督奎光改捐指省廣東候補道劉何棟等皆係英翰素所親信之人安懷堂商人潘姓者以海防籌餉爲名易閩姓爲守助會勾串漁利竟至抗違諭旨任意欺朦其他鑽營比職者外間亦嘖嘖煩言且廣州市會匪非行營何須營務文案哨官親勇至二百餘人之多徒使人心惶惶如謂辦事庸人則外省官員迥不如本省之熟悉情形如謂重臣護衛宜嚴則督標弁兵濟濟儘敷差遣何必仿照軍營規矩排隊前導乎且該隨員等紛紛攜朋挈眷資寓分

局素習奢華排場闊大督臣廉俸有數安能養贍多人其交局籌給薪水勢所必至然何必帶外省無用之弁兵糜本省有用之糧餉耶況粵東軍務海防諸事前歸併善後局辦理裕如又何必另設一局刊闢防派委員並加以軍需總局字樣乎數月以來政令紊亂無章官場人情渙散紳民怨謗迭興人人咨嗟太息皆以爲有岌岌不可終日之勢又張兆棟奏督臣英翰到任以來舊日在皖當差各員紛紛來粵均令入署辦理文案內有安徽候補道裕庚尤爲督臣素所信任署中事無鉅細皆其一人主持僚屬因公晉謁每由該員傳達甚至司道票商公事督臣時或不願接見亦令與該員商議鑽營之輩見其權勢異常莫不奔走趨附每日該員由署回寓門常如市其氣燄可以概見至其餘文武隨員率多游手好閒沾染軍營習氣於本省情形既未熟悉尤難保其不在外招搖除道員裕庚已由臣另行參劾外其餘文武隨員應請 飭下督臣一概勒令回籍其報捐省分者各回原省當差 上諭長善果勒敏奏督臣隨員人等招搖滋事張兆棟奏請將辦事謬妄各員交部嚴議並請飭督臣將隨帶各員勒令回籍及隨員濫支款項應行追繳各摺片英翰自簡任兩廣總督以來宜如何整頓吏治綏靖地方乃此次隨帶員弁甚多道員裕庚尤爲該督所信任把持招搖廣東闖姓賭局前經降旨裁革嗣有商人潘姓改爲守助會名目在總督衙門呈請捐繳餉銀委員文星瑞等商同裕庚懇恩該督批准並不稟明張兆棟遽行出示弛

禁實屬不成事體至該督隨帶先後來粵各員並未奏准留省遽令支領薪水等項尤形冒濫兩廣總督英翰著交部議處開缺來京馳候部議道員裕庚文星瑞知縣陳澍霖均著交部嚴加議處提督奎光暨該督隨帶之文武員弁哨官勇丁等均著仍回安徽原省及各原籍其報捐省分者各回本省當差該隨員等所支薪水等項並著照數追繳以節虛糜○戊辰以孫衣言爲湖北布政使衛榮光爲安徽按察使勒方鐸爲江蘇按察使○崇實奏黑龍江馬賊竄擾業經官兵擊敗並收復巴城情形報聞○己巳上詣觀德殿 穆宗毅皇帝几筵前行禮○壬申 上詣 觀德殿 穆宗毅皇帝几筵前行禮○諭候補侍郎郭嵩焘二品頂戴直隸候補道許鈴身派充出使英國欽差大臣應行隨帶人員並中國翻譯官著與李鴻章妥商揀派○諭軍機大臣等派員出使已明降諭旨應如何照會該使著妥爲辦理○癸酉以載容署鑲黃旗滿洲都統○甲戌 上詣 奉先殿 壽皇殿行禮○諭載遷等奏援案請撥欸項恭備要差一摺本年九月間朕恭奉 慈安端裕康慶皇太后 慈福端佑康頤皇太后躬送 穆宗毅皇帝 孝哲毅皇后梓宮奉移 山陵所有恭備 陵寢一切要差需欸孔急著李鴻章飭令藩司籌撥銀一萬兩務於八月內委員解交永濟庫以備應用○諭景嵩奏請撥銀兩以備要差一摺朕於本年九月間恭奉 慈安端裕康慶皇太后 慈福端佑康頤皇太后躬送 穆宗毅皇帝 孝哲毅皇后梓宮奉

移 山陵沿途駐蹕地方修理橋梁道路並行宮等處工程自應豫爲籌備現在該處永濟縣備兩庫存項無多景瑞請撥案於直隸藩庫撥銀一萬二千兩以備支用卽著李鴻章飭令藩司迅卽如數撥撥毋誤要需景瑞一面趕緊派員撥節動支妥爲備辦事竣核實咨送報銷勿稍浮冒○乙亥以翁同龢署刑部右侍郎○以河南祥符縣童生李正元向都察院妄遞條陳乘間逃逸著步軍統領衙門順天府五城御史一體嚴拿務獲○丙子以恩承爲總管內務府大臣○丁丑 上詣 壽皇殿行禮○戊寅諭軍機大臣等兩江關繫緊要沈葆楨膺此重任自當實力實心勉副輶轡仰副朝廷倚畀之殷著懷遵前行將船政交代後迅赴新任毋庸來京陛見○諭吏部奏遵旨嚴議處分一摺前兩廣總督英翰安徽候補道裕庚廣東候補道文星瑞候補知縣陳澍霖均著照部議卽行革職○改派駐英副使許鈴身爲出使日本國欽差大臣○己卯 上詣 觀德殿 穆宗毅皇帝几筵前 永思殿 孝哲毅皇后几筵前行禮○載遷溥芸景瑞奏遵照成案恭備 暫安殿一切事宜請由戶部預撥備辦祭品等項銀一萬兩另請口分雜支銀五千兩以便迅爲恭備得 旨著戶部查照成案預爲撥給○庚辰 上詣 觀德殿 穆宗毅皇帝几筵前行禮○諭本年九月十八日 穆宗毅皇帝 孝哲毅皇后梓宮奉移 山陵前曾諭令沿途地方毋庸另備御道第 梓宮經山之路一切應辦事宜該地方官自應循例敬謹預備而小民

仰荷 穆宗毅皇帝厚澤深仁遇有借資民力之處當亦必踴躍急公爭先恐後藉以紓其愛戴之忱惟當此民力拮据尤應量加體恤著直隸總督順天府府尹嚴飭各該地方官務當仰體朝廷惠愛之仁不准格外苛派致滋擾累以副軫念民艱至意○禮部奏光緒元年六月初五日內閣抄出奉 上諭御史陳蘇奏續陳管見各摺不爲無見各省舉行講約原冀海內向風但積久相忘轉致視為具文著再申明舊例令實力奉行俾得家喻戶曉而維持風俗禮教尤宜請求著該部即將會典通禮內有關民間吉凶禮節者刊布通行以資法守等因欽此欽遵到部臣等查則例內開凡直省府州縣鄉村巨堡及番寨土司地方設立講約處所揀選老成耆一人以爲約正再擇樸實謹守者三四人以爲值月每月朔望咸集耆老人等宣讀 聖諭廣訓及 欽定律條務令明白講解家喻戶曉該州縣教官仍不時巡行官導如地方官奉行不力者督撫查參 京師實成五城順天府大興宛平二縣實力奉行等語是講約之法定例已極詳明應由 臣部申明定例行文五城順天府及各省督撫嚴飭所屬實力奉行至易俗移風禮教爲重臣等謹遵 諭旨查照會典通禮詳擇婚喪冠服各事宜之最切於官民者撮其大要共十九條謹繕寫清單恭呈 御覽得 旨如所議行 會典通禮官民婚喪冠服規條一會典載凡有品級官員婚嫁或用本官執事鼓樂人不得過十二名燈不得過六對無品級人及生監軍民不得濫用執事鼓樂人

不得過八名燈不得過四對一應糜費概行禁止一通禮載品官婚禮納幣章服一稱章如其品一品至

四品表裏各八兩容飾合八事釵鈿簪食品十器五品至七品表裏各六兩容飾合六事食品八器庶士

婚禮章服一稱八品以下官如其品士祇九品表裏各四兩容飾合四事食品六器庶人婚禮禮服一稱用帛無章綢絹

各四兩容飾合四事食品四器一通禮載婚日設燕一品官具筵十五席二品官十三席三品官八席四

品官六席五品官五席六品至九品具筵俱用牲三軍民人等具筵用牲二庶民婦女有僭用冠輅補服

大輅者禁凡禮物豐儉各如其品不得踰越力不能具者聽其量力備物土庶並同一會典載喪禮陳設一品官鞍馬六匹初祭筵十席羊五

大祭同二品官鞍馬五匹初祭筵八席羊四大祭同三品官鞍馬四匹初祭筵六席羊三大祭同四品官

鞍馬三匹初祭筵五席羊三大祭同五品官鞍馬二匹初祭筵四席羊二大祭同六品以下有頂戴官員

以上鞍馬二匹初祭筵三席羊二大祭同兵民鞍馬一匹初祭筵二席羊一大祭同一會典載凡有頂戴

官員周年百日上墳常祭祭筵羊隻各照定例內減半用庶民常祭亦照定例從減一會典載棺窆一二

品官用銷金青藍等緞三四五品官用青藍雲緞六七八品官用青素緞及青藍緞九品以下官員生監

用青緞兵丁庶民用青布如伊父母原有官封誥命准照品級使用一會典載官員等喪葬除費用棺槨

棺罩執事外其鞍馬衣箱等項量力照例備用力不能備者聽其節省奇巧樓臺等項概從禁止一通禮

職品官發引靈車役夫二品以上六十四人五品以上四十八人八品以上三十二人九品及有頂戴者二十四人庶人十六人一會典職吉服冠一品至九品鑲金爲座頂一品珊瑚二品鑲花珊瑚三品藍寶石四品青金石五品水晶六品砗磲七品素金頂八品鑲花陰文金頂九品鑲花陽文金頂未入流視九品服一品至三品得用貂絨及蟒繡金花綵緞七品以上得用金花綵緞八九品得用素緞領袂均得用蟒繡及金花繡補服文一品鶴二品錦鷄三品孔雀四品鴈五品白鵞六品鸛鷺七品鸛鷺八品鸛鷺九品練雀武一品麒麟二品獅三品豹四品虎五品熊六七品彪八品犀牛九品海馬士庶公服狀元頂戴視六品會試中式貢士冠用裏金三枝九葉頂服均如常制舉人官生貢生監生冠帶視八品服皂繡緣青生員冠帶視九品服青繡緣皂外郎耆老冠頂以錫一會典職凡王公以下服不得用黃色秋香色及黑狐皮五品官以下不得用蟒緞貂皮獬豸獬八品官以下不得用大花緞紗及白豹天馬等皮一會典職凡內文武大小官員頂帶補服坐褥悉照本身現任品級不得計算加級僭越服用一會典職軍民人等服准用綢綾紡絲綿綢緞屯紉葛校布狼狐貉羊等皮冠用染駝鼠狐貉沙狐皮帽上圓月准用片金不得用狐狀沙狐狀緞紗及緞韉鞵上不得緣綠斜皮器飾不得用金僧道除袈裟法衣外准用綢絹紡絲素紗各色布其袍用土黃色緞色一會典職商賈有捐納職銜者冠服各從其品無職銜者與庶



民同一通禮載民人冬夏帽上不得用絨纓大結一通禮載考職吏員在籍止用頂帽不得僭用補服內  
外各衙門供事書吏非年滿考職者不得僭用金頂一通禮載奴僕優伶皂隸許用繭紬毛褐葛布貉皮  
羊皮其紡絲綢絹緞紗綾羅各細毛及石青色衣俱不得服用冬帽用梁駝鼠狐貉獺皮不得用貂一  
會典載馬鞍三品以上許用虎皮及狼狐皮有品級無品級筆帖式及庫使舉人官生貢監生員護軍領  
催以至兵民等馬鞍不得用緇及倭緞編緋鑲緣鞍轡紅托鞵等物不得用鍍金一會典載軍民僧道  
人等服飾器用俱有定制若常服言常服則大服不禁僭用錦綺綵緋器物用戩金描金酒器全用言全用則止用一件不禁金  
銀及將大紅銷金製為帳帳被褥之類婦女僭用金繡閃色衣服金寶首飾鑲釧言金寶則止用金飾無珠寶不禁及用  
珍珠絲飾衣服並結成補子蓋類纓絡等件事發俱照例治罪服飾器用等物並追入官婦女罪一會典  
職庶民男女衣服並不得僭用金繡許用綾羅綢絹素紗婦人金首飾一件金耳環一對餘止用銀釵不  
得製造花樣金線粧飾○辛巳准候補三品京堂劉興回籍奏親○諭崇實奏奉省鄉鎮市集宗室覺羅  
各項旗人往往窩庇賊匪緝捕官弁懼被誣賴受累不敢投拿請飭嚴禁等語滿庇賊匪最為地方之害  
法所必懲若如該署將軍所奏宗室覺羅各項旗人亦蹈此習尤堪痛恨亟應嚴行懲辦以儆凶頑嗣後  
奉天各處拿獲賊匪到案即著訊明窩主姓名如有圖利窩留即與盜賊同罪無論宗室覺羅各項丁戶

均著一律重懲并稍寬縱○壬午諭前據御史袁承業奏參監督放米遲延當令倉場侍郎確查具奏茲據奏稱祿米倉監督依凌阿等於開放兩黃旗包衣兵米倘非有意遲誤惟依凌阿因公前赴通州未俟韓格到倉交替韓格於依凌阿赴通後雖因陡患痧症弗克在倉值宿未經即時告假究屬不合依凌阿韓格均著准其回任仍交部照例議處○甲申 上詣 觀德殿 穆宗毅皇帝几筵前 永思殿 孝哲毅皇后几筵前行禮○以漢儒許慎從祀 文廟○乙酉丁寶楨奏遣送琉球國遭風難民蔡德資等山海道回國報聞○丙戌以本年九月十八日 穆宗毅皇帝暨 孝哲毅皇后梓宮奉移 山陵派英桂鐵映景其洛翁同龢恭送○以本年九月十八日 上恭奉 慈安端佑康慶皇太后 慈禧端佑康頤皇太后啟鑾派沈桂芬隨扈○丁亥 上詣 壽皇殿行禮○以故廣東布政使俊達循聲卓著交部照布政使例議卹○戊子 上詣 觀德殿 穆宗毅皇帝几筵前行禮○夕 月於西郊遣溥煦行禮○己丑諭兵部奏欽奉恩旨併案查辦軍臺廢員開單請旨一摺上年十一月十五日欽奉 穆宗毅皇帝恩旨及本年正月二十日特頒恩旨將軍臺効力各員照例核辦茲據兵部查辦請旨自應酌量辦理除未經查明下落之蘇錦堂呈請收贖未繳盤費仍應起解之和盛阿及未經咨報起解之宜維禮許如龍艾憲銀黃應請賴鎮瀾並在途在臺在籍在配脫逃未獲之汪殿元周策勛案成曾昭士解魁元李正

鈞富慶許懷清德馨許志耀奎英邊得勝賀永銘王勳春慶王得勝富昌李明哲張九圍畢善黎定榮邱瑞祥李振海張同方等均毋庸查辦外其李廷誥嚴澍均著加恩釋回岐山沈仕元吳蘭生均著加恩減免一年興福著加恩減免二年譚飛麟張國安張介福均著加恩減免四年屆期卽行釋回以示朕法外施恩至意○左宗棠奏新疆糧運兵事一切情形臣已於六月二十八日據實陳奏竊維軍餉項專恃各省協濟而協濟之款尤以添撥盤金爲大宗查本年收款截至六月據西征糧臺月報各處文報約收各關協餉一百四十餘萬兩內除袁保恆奏撥出關糧運的餉暨抵解部撥款內劃收過銀五十四萬兩由袁保恆另案報銷外臣軍實收協餉銀八十餘萬兩上年籌借洋款三百萬兩分四批提解除陸續劃還上冬今春滬鄂陝省先後籌借商款本利銀一百二十餘萬兩外實收銀一百七十餘萬兩又收袁保恆移交糧臺現銀三十三萬數千兩收歸綏烏城剩存購駝銀十九萬餘兩共收實銀三百餘萬兩此六月底以前餉項入款實數也至軍餉出款以鹽菜乾銀爲大宗近因籌辦關外軍糧南北數路轉運騰挪巨款儘先兌撥半年以來通計出款已一百三十餘萬兩幾占入款之半此外遣撤裁併陝西固原提臣所部及臣軍宗岳營務果字等營與零星裁併改兵約撤馬步勇丁長夫三千餘名共發過實餉二十五萬餘兩哈密及肅鎮各營關州縣屯墾水利經費銀約十四萬餘兩墊發文驛明春軍餉糧價銀一萬四

千六百餘兩現因籌備出塞之師除留防各營外又陸續增挑馬步十餘營合共百三十餘營遣赴前敵  
者需餉給足餉分防各路者需照舊發給鹽菜糧價馬乾公費與夫軍裝軍火車駝什物採製之費關外  
驛站整頓修復之費及州縣津貼一切雜支由臣隨時核實通融酌濟共支發實銀一百三十餘萬兩  
前擬洋款借到後將東南各路防營再加裁併減汰軍裝軍火津貼轉運諸費可減者均擬酌量核刪省  
內地經費勻濟關外乃粵海關票抵借之百萬兩前因部文有能否減借省息之語往返咨查羈延累月  
不獲大批運解而奉 旨督辦新疆軍務所需軍裝軍火等項不但不能節省並須從新增廣製辦以故  
應需各款未能及時清理卽如穆圖善所部本擬全撤而終以餉項無出僅擬先撤四營有零尙未定也  
臣遵 旨督辦新疆軍務自宜合關內外全局統籌就此情形而言微獨西路北路邊防及撫回各處防  
軍未可輕議裁減卽已經減撤者一經另有調派或地方緊要應酌量抽撥添募填紮或應撤勇添兵以  
期周妥內地存留各營既不能再擬裁減而檄調出塞馬步各營歲役遲速未可逆計應切實整理調集  
各隊勦加演習以期精而又精收募可敵衆實效各該營所需添買驢駝馬匹皮棉衣褲鍋皮碗口袋  
等物應預備棚帳旗幟褂應更換軍械火器火藥應增籌軍行糧餉軍需各項轉運採製津貼各項應  
寬爲籌備餉需較前有增無減者勢也軍行糧隨須趁新糧登場變起廠多撥經費分飭加緊採辦

運方免臨事周章現除北路歸包總分局撥款稍多可從緩撥解此外寧夏一路據該局員稟報由定  
遠營取道察罕廟經喀爾喀邊境之巴倫圖素所與歸包糧駝會合徑趨巴里坤較歸化起運約近數站  
業於七月初一日試運頭批已飭儘多添雇趕運惟試運伊始大信未孚商情不無疑阻而應加撥現  
銀俾應得腳價按批清給一面由臣頒發告示嚴禁巴里坤各車拉差之弊庶可期其踴躍其北路之北  
古城巴里坤採運屯墾均應添解大批至南路關內採運除涼州勞費太重現擬停辦外其甘肅安肅各  
縣已據該管道員議詳共定採市斗夏秋糧十二萬二千石飭遵照上年舊章頒發期票搭發稍資騰  
挪而商民車駝腳價按斤按里計算運糧多則腳銀之多因之而增約略計算南路關內採運每月非得  
現銀二十萬兩不敷支發此現籌新疆南北各路糧運價腳應出之款也此外出款則仍以現存馬步各  
路土勇營兵正餉與夫車需採製轉運腳費薪糧津貼各款為大宗臣前於本年三月間據實陳奏每年  
共需實餉六百數十萬兩外增出關採運出款二百餘萬兩以每年實到協餉約五百萬兩劃抵出款八  
百餘萬已不敷實銀三百餘萬兩今則新募兵餉糧運各事宜一切責臣督辦局勢更寬就現辦情形言  
之非獨糧運一事斷非上屆二百餘萬兩實銀所能敷衍即見存馬步軍需正餉仍非六百數十萬兩不  
能支持其裁併後積欠勇夫七百餘萬兩正餉之數又欠未發郵費銀三十餘萬兩均須陸續發給實銀

不能空言抵塞今年春夏協餉所入不及百萬兩所以能勉強勻劑者全賴奏借洋餉鉅款三四等月提銀以後所有蘇浙粵三省協餉每年連息共應解銀一百二十三萬餘兩清還債項是當年協餉入款近五百萬兩內又短去銀一百二十二萬兩矣出入兩抵前奏每年不敷銀三百餘萬兩者今實不敷銀四百數十萬兩此通籌餉項出入兩抵不敷之實在數目也奏借洋餉隨到隨解應解協餉盼切成空部撥庫庫款三十萬兩改解軍軍已咨照陝撫派員赴部請領而金順已織廢項催并屬先行挪款墊解將來斷難藉此爲通融周轉之資此外後路報解協餉僅以十數萬待撥之款陳欠相因源涸流窮時深懷懷如果各省關積欠廿餉能如上年軍議移臺經費奏提解積欠之半應解協餉仍按月如數籌撥其部撥出關糧運的餉百二十萬兩又各省關抵解部庫銀八十萬兩除袁保恆經收銀五十四萬兩外短解銀四十六萬兩均能儘先籌解俾清界限而應急需庶各路開辦採運不至停運待銀調派出關諸軍不至停兵待餉乘現在南北各路開辦糧運漸有成效應請各軍機令簡練整理漸有頭緒之時於協款解到時通融挹注尙可詳爲布置以赴戎機否則現辦諸事無項支銷待發諸軍無款散給而前進局勢難言矣鹽菜乾銀年終滿餉及准假勇夫不能照舊發給而後路局勢難言矣追事機已誤而後議補救之策所費益多求如目前局勢亦恐難得此尤微臣所日夜焦思而罔知攸措者合無仰懇天

恩俯念邊塞軍務緊要餉源枯竭待用方殷 敕下戶部各省疆臣速將部撥出關糧運專款內短解銀一百四十餘萬兩依限提解所有積欠甘餉二千六百一十餘萬兩分省分限指提若干應解協餉仍按月如數提解毋再延欠俾速戎機下戶部議奏議上請 飭下各直省督撫將軍卽行查明上年由部提撥各款欠解若干勒限一個月掃數清解福建省欠解西征協餉三百餘萬兩應卽遵 旨趕緊如數籌解其餘各省欠解西征協餉統限於一年內先行各提解一半應用其餘一半欠解之餉仍隨每月應解協餉陸續分解至各省關按月應解協餉自本年爲始月清月款不准絲毫再有帶欠俾該督得以迅赴戎機免致貽誤得 旨允行○左宗棠奏同治十三年十一月初五日准軍機大臣字寄十月二十一日奉 上諭戶部奏出關各軍餉項暨新疆各城軍餉請統歸西征糧臺經理一摺現在大軍出關相機進取前降旨派左宗棠督辦糧餉轉運一切事宜并令袁保恆幫辦所有出關各軍應需糧餉運送等項自應統歸左宗棠袁保恆斟酌緩急奏請籌撥至新疆軍餉近年各城請撥頭緒紛繁殊不足以昭核實亦應由左宗棠等一併經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恆核明數目酌量奏撥不得紛紛自行奏請以歸畫一而專責成卽著左宗棠袁保恆金順袁保恆咨照該統兵各員及大臣一體遵照辦理左宗棠袁保恆務當通盤規畫酌盈劑虛核實籌撥毋任稍

有匱乏原摺均著鈔給閱看欽此臣比恭錄咨照袁保恆由糧臺咨行遵辦嗣於本年二月准戶部咨送同治十一二三年奏撥新疆軍餉案由五六等月各城將軍都統大臣查開餉數源委先後咨報到臣比經逐段稽核誠如諭旨頭緒紛繁殊不足以昭核實臣忝督辦之任所有出關各軍新疆各城餉需實臣一併經理藉非格於勢限於地曷敢稍惜心力不即綜核奏撥所以然者統兵出關大員如金順明春張曜暨量應移交各軍各有專餉內除張曜嵩武一軍餉需向由河南撫臣解濟不歸西征糧臺經理外其餘金順等軍協餉自袁保恆交卸臺務當經臣剴飭接辦糧臺司道一遵向章按月將各該軍收景積欠銀數分晰開單呈報陝西撫臣核明奏報移催各該軍原撥專餉此後有無增減應俟金順接收景應移交核減汰遺添補足數按照實在馬步名額酌定歲需糧餉合明春所部名額餉需彙案咨報由臣另行核奏此時未能懸擬張曜全軍分駐哈密一帶除歷年折支安肅哈密官局糧料由臣作正開銷外所有開屯修渠應需甃條工具一切購製轉運腳價均由臣墊付俾得殫力經營惟東山熟地向係纏回自稱該軍新墾荒瘠澆水又遲故今歲收成較薄現據張曜呈報估計夏秋屯糧約得市斗毛糧四千數百石發碾收米約得淨糧八九十萬斤勉敷該營兩個月軍食臣前於四月間函致張曜請將屯糧開報歸公准照安西市價核銀散給兵勇俾償其勢現經咨照張曜一照原議開報領價一面趕趁秋間次第



修溶放藥糴聖明年屯糧所入當可增多此外官私各屯尚可採買市斗三千石應照市價收買不准勒  
抑短價如與文麟明春軍食有礙卽作罷論已由臣分飭知照矣宋慶前遣總兵劉鳳清率步隊兩營分  
屯哈密原與張曜所部同屬豫軍聲氣聯絡該軍調回潼關後與張曜彼此兩商進止擬將劉鳳清兩營  
留屯哈密改歸張曜節制調遣意見符合該兩營正餉已由宋慶裁發至本年底止嗣後十一月起  
由劉鳳清造齊花名餉冊歸臣軍照章支放屯墾經費屆時由臣核撥作正開銷業准宋慶來咨覆之並  
咨行張曜知照矣臣現調集各軍汰遣添募製造糧運諸款並由臣隨時酌量勻撥濟用將來彙案報銷  
此通籌出關各軍現在糧餉轉運兼顧哈密屯墾實在情形也至於新疆各城所駐大臣兵事餉事軍興  
以來舊制不可復按茲姑就近年部臣奏撥之款言之每月由直隸河南山東山西四省共撥銀七萬兩  
內除榮全奏准每月劃提銀二千五百兩以一半解榮全勻撥伊犁塔爾巴哈台以一半解烏城分撥烏  
魯木齊巴里坤哈密各城其分撥鋤犁塔城一半餉內咨報臣軍有案者惟庫倫官兵及額爾特察哈爾  
人衆丁口二千八百名俸餉糧價每月劃分銀二千八百兩又分撥烏城一半餉內每月應劃分哈密辦  
事大臣一萬四千兩其餘銀兩該各城如何勻攤每城經費撥支若干滿綠各營實存官兵馬匹若干鹽  
糧馬價各需若干均未報臣有案核撥無從著手此外又有榮全專餉原協添撥每月共銀五萬兩塔城

額特官兵俸餉各臺驛價換防官鹽糧每月共銀一萬兩庫倫烏科各有專餉部臣指撥時有統解分撥之款有劃提撥抵之款有改撥墊撥指省解還之款有指提積欠坐扣之款各城奏撥前後異情各省撥解積欠異數往復咨查動經歲月核復職遞職是之故臣維綜核名實慎重財賦通盤規畫總司出入者部臣之職分也臣前奏設西征糧臺專司軍餉餉入款按月開單報部奏催咨提其於一切出款糧臺并不干預亦有不能兼顧之勢也其各省關協濟景廉金順明春餉項則不盡由糧臺經收山陝歸綏包頭等處各軍均設有轉運糧臺多寡疏細均由各統將自行核奏臣不得知豫備專餉祇由臺代催非如穆圖善雷正綰所部甘軍均隸臣部裁併道撤山臣會核辦理穆圖善所統步營造有總數名單雷正綰造有花名故能由臣統收分撥情異事殊未可同日語也近年新疆軍餉由各城大臣紛紛自行奏撥閭失畫一之規臣如查核未明冒昧具陳仍非核實之道可否照部臣劃解章程分段飭下烏魯木齊都統伊犁將軍所屬各城歲需經費并現存滿綠換防官員兵丁實在名額應支糧餉分款核實報部山部臣通盤籌算仍就原協省分指撥有著之款定限撥解不准推諉從前積欠新疆各餉項分年抽數截清先行提解若干如何勻撥統由部臣核定撥解俾歸畫一而專責成得旨戶部速議具奏左宗棠奏現在時局洋防塞防並重人共知之而能言之而難易之分不能無辦洋防開辦一年經始之費可減

塞上則正值用兵諸需從新籌措如軍火器械一切海疆隨時隨地可辦者塞上則須預爲籌計踰水陸  
萬里以達軍前始供取用一物之值購價加於運費已相倍蓰尙須先備採運費銀乃期應手其不同者  
一也海疆皆富饒之區各口通商又利源之所在以釐稅言除兩江歲八千萬緡曾見章奏外粵浙所收  
較丁糧奚翅一倍所需防費自已綽然甘肅則素稱荒瘠通省丁糧一歲僅二十餘萬兩亂後則併此亦  
難覆按農民喘息僅屬翻須由官多方勸相始免槁饑空山又地氣高寒物產本絀土俗不解經商販賣  
出外求贏貧乏無聊坐以待困鉅轉早弊挹注奚施其不同者二也東南澤國杭稻之鄉舟楫轉輸一帆  
千里商之謀生易裕官之籌措非艱甘肅則糧食升斗皆須負載而行數十里之程非車駝莫致運腳  
之費每過糧價數倍且有多過十數倍者故東南各省糧與餉可合爲一西北則糧價腳價非由官另籌  
津貼不可其不同者三也用兵既久官私耗竭有時需用孔亟儲積已空則於富室大商挪移借貸隨時  
歸款甘肅則本地無可籌商如協款不到惟有借用洋商巨款及飭各營局向附近殷實商人議籌恩借  
然借洋款則必指省關還款以印票爲憑借華款則必飭營局於附近商賈會萃之區籌辦以借約爲憑  
近則陝鄂遠則上海相距遼闊不能克期得銀而華款又多零星湊集爲數無多比借款解至則守候領  
取者環待已久一散卽盡既非若海疆之就近資取可以省事又不能如洋商之易集巨款可以久支如

非計無復之未肯出此其不同者四也臣自出師江皖轉戰浙閩所歷皆兵燹之餘就地籌維未嘗奏請部款就浙之餉需以討閩賊就閩浙之餉需以討粵賊追事平調停陝甘而欠餉一律清還浙閩司庫亦漸有儲積蓋東西各省餉源可裕軍用易充轉運又便雖時艱孔急需用浩繁但令經費有方亦可勉資敷衍非若甘肅之無可取資仰給各省協款如嬰孩性命寄於乳媪乳之則生斷哺則絕也竊計沿海之防除從新採購製造應用款項所有餉需一切未必多於前此用兵之時而南北兩洋又兼六省協款之入撥節支用防患未形綽有餘裕乃各省應協甘款既不照常委解而各省之協濟洋防者又皆以洋防爲急塞防爲緩以致臣軍出款日增入款大減豈沿海防軍重於出塞征軍今日防海之事實急於出塞之事乎竊維餉源只有此數此額彼缺勢所固然雖臣各轄一方畛域攸分愼情不免部臣總司國計因時制用乃其所以宜無論防患未形較之整軍待發者事勢本自從容卽有時變故紛乘在朕疆就近籌維豈至遽形束手制用之道惟尙乎平均無貧不易之理果能相其緩急爲之酌劑則裒多益寡自可兩全卽以欠餉而言臣軍積至二千六百餘萬兩之多所部除火食馬乾寒衣單衣外每年僅發一月餉尙須多方設措似此窘蹙事何可長各省雖同值時艱但各處本省應發餉需節縮一兩月勻濟甘肅在各省所欠者不過一兩月之數在臣軍則可增數月之數是富者減一孟之食仍免號飢貧人利蠲殍之加

卽期宿餽不獨通融挹注大局藉可維持兼之撙節支銷積欠亦漸歸有著此則微臣區區愚悃不得不披瀝陳之者也下戶部議等議上請飭下各直省督撫將原協添協西征各餉及分解南北洋海防各款一體兼顧毋稍偏重卽飭各司道監督等務須各按各款照數清解不得因現有海防撥餉將西征各餉藉詞延欠得 旨允行○庚寅諭載選等奏應行急修工程請派大臣查勘一摺 孝陵龍鳳門石柱等工均有損折坍塌情形著派宜振前往將應修各工敬謹查勘具奏○辛卯新置雲南潞江營游擊等官○壬辰欽奉 慈禧端裕康慶皇太后 慈禧端佑康頤皇太后懿旨丁寶楨奏懇忱籲懇請暫停恭送梓宮一摺前據禮親王世鐸等合詞籲請未經允行現在故轡在卽悲感時深且泰移大典皇帝亦應恭送以伸哀戀之忱況謁 陵典禮數年內暫不舉行若此次 聖宗毅皇帝 孝哲毅皇后梓宮奉移山陵亦不克親行恭送其何以稍釋悲懷所請著毋庸議○以魁齡著工部尚書○癸巳總理各國事務衙門奏本年五月間臣衙門奏請預儲熟悉洋務人才當經奉 旨准行嗣後如有候補侍郎郭嵩燾二品頂戴直隸候補道許鈴身出使 諭旨伏查臣等前此奏請儲熟悉洋務人才原不僅爲辦理中外交涉事務起見而出使往來各節亦均寓其中誠以人心必無睽隔方不致互有牴牾而欲無牴牾必先洞悉情形同治六年間臣衙門志圖孫家穀出使各國差旋卽據述及曾與外國各衙門大臣往來交接而各

國駐京大臣亦迭次向臣等稱說前事並言各國大臣在京各部院大臣均未與之往來在官者既與疏遠無怪民庶不以外國官民爲重等語臣等查各部院大臣向不與之往來固屬恪循無外交之義惟中外修睦日久現又派員出使今昔情形不同雖不能悉照泰西款待使臣之事似亦不必竟無往來應請旨山臣衙門與各部院大臣商訂往來節目俾得盡悉緣由庶往來者不致因周旋之際或生嫌忌之端卽未與往來者亦可漸知中外交涉情形此臣工往來交際道理不可不令中外咸知也從來與國相交本無軒輊乃外國不知者每見抄錄諭旨內於某國字樣未經撥寫疑有尊卑之分且恐啟中國官民輕視之漸雖迭經告以上諭係專諭中國臣民例不撥寫若國書則無不撥寫卽如歷次國書內兩國君上彼此均係撥寫而某大國事樣亦係撥寫況各國條約內所刊尤足爲憑何致疑有尊卑惟此次雖迭經請釋究未明白宣示仍難使中外人人明悉且恐無知匪人以此挑生事端此兩國之往來交際道理不可不令中外咸知也以上兩層臣等公同商酌深恐彼此不能體察其所以然之故但強事虛文不防貲弊勢必愈求近而愈疎遠愈求益而愈虧損於中外交涉事務極有關係用敢縷晰上陳仰懇 恩准宣示以釋羣疑而維大局 上諭總理各國事務衙門奏請宣示諭旨體制及酌定各部院大臣與各國駐京大臣往來一摺所奏辨明諭旨體制甚是至與各部院大臣往來之處著照所擬辦理

○劉坤一吳元炳奏稅釐兩項難以並籌兼顧請將能江西新濟寧各關仍從緩辦以恤商艱得旨戶部議奏

東華續錄

光緒六

臣朱壽朋敬編

臣潘鴻鼎恭校

九月甲午朔諭現在 穆宗毅皇帝暨 孝哲毅皇后梓宮奉移 山陵著將沿途經過之大興通州三

河帶州四州縣本年地丁錢糧蠲免十分之五遵化州蠲免十分之七○諭 穆宗毅皇帝暨 孝哲毅

皇后梓宮奉移 山陵所有山京至遵化州一帶經過地方凡有平毀麥田者著加恩每畝賞給銀一錢

俾農民購買籽種藉資補助○乙未諭本月十八日 穆宗毅皇帝 孝哲毅皇后梓宮奉移 山陵所

有經過道路理宜倍加整肅著管道大臣督率官兵各在該管段落駐守敬謹稽查著步軍統領衙門直

隸總督飭令該管各員弁一體嚴加管束概不准隨扈執事員役人等車馬踐踏及於路旁擁擠倘敢不

遵無論大小官員即行據實糾參吳丁太監校尉人等即著從嚴懲辦如有疎縱一經查出定惟管道大

臣等是問○諭軍機大臣等船政事宜沈葆楨即交李鶴年等暫行兼顧督率道員吳仲翔一手經理俟

丁日昌到閩後再行交代並著沈葆楨即起程前赴兩江新任○丙申 上詣 觀德殿 穆宗毅皇帝

几筵前行禮○予故河東河道總督喬松年於安徽臨淮鄉壽州建祠○戊戌 上詣 觀德殿 穆宗



毅皇帝几筵前行禮○諭前因吉林三姓等城旗務廢弛金匪紛擾該地方官未能認真剿捕諭令穆圖  
善等確查參辦茲據查明奏稱本年五月間東山匪徒竄擾三姓屬界副都統勝安未能即時派兵進剿  
以致連失三站防禦順福等帶兵到站又未能迎截進擊任令賊匪紛擾佐領雙福等守卡索金縱令金  
匪仍舊開挖並查明副都統勝安聽信內親宋姓任意朦混協領春齡把持公事並不認真巡緝請旨辦  
理等語吉林各城旗務廢弛亟應及時整頓據奏各節若不嚴行究辦何以儆官邪而懲玩忽三姓副都  
統勝安著卽革職其內親宋姓卽著穆圖善提省訊辦協領春齡防禦順福依昌驍騎校展音圖畏葸無  
能均著卽行革職佐領雙福驍騎尉勝額榮升記名驍騎校台斐音努賁楚不法實堪痛恨均著革職  
提省嚴訊確情按律懲辦已革副都統毓福查無索金確據業經革職著免其置議○己亥工部尚書總  
管內務府大臣崇綸卒予祭葬贈太子少保銜○以魁齡爲工部尚書景廉爲左都御史○以師曾爲總  
管內務府大臣○以孚郡王奕譞爲正藍旗漢軍都統○庚子諭軍機大臣等左宗棠奏軍餉支絀請飭  
速籌解濟並關外各軍及新疆軍餉請仍歸戶部核撥暨請各省勻濟餉需請飭戶部劃撥科城的餉各  
摺片本日已諭令戶部速議具奏另片奏請飭兩江迅解老湘軍月餉及請飭福建迅籌欠餉各等語已  
寄諭劉坤一等卽速籌解矣關外事機甚急餉需支絀自不得不竭力圖維先其所急現在金順已抵古

光緒六

家之人或另於約外申明凡非體面和厚之人萬不許給照各等因各國條約所載大同小異總不外使地方官於此等執有護照之人得以細核條約本意分別辦理今雲南邊境有英國編譯官馬嘉理被害一案欽奉 諭旨派李瀚章前往查辦究係如何被害將來自不難水落石出惟未經查明之前誠恐各省地方官因有此案未明條約本意互相猜疑遇有應行保護者轉因畏難而亦不保護甚或民間以訛傳訛別生枝節均不可不預為防範相應奏明請 旨飭下各省大吏轉飭地方官於各國執有護照之人入境務須一體細核條約本意妥為分別辦理以安中外如蒙 俞允除 旨衙門前已將各國條約咨送各省外再由 臣衙門將約內所載執照游歷分別保護辦法各條摘出專抄分送各省仍令轉給地方官一律照辦 上諭總理各國事務衙門奏申明各國條約請飭各省遵照一摺洋人入內地游歷各國條約內均經載明必須請有執照蓋用中國印信經過地方隨時呈驗放行倘有不法情事亦載明就近交領事官辦理沿途祇可拘禁不可凌虐如非體面有身家之人概不許給與執照條約本極明悉地方官不難分別辦理近有英國編譯官馬嘉理在雲南邊境被戕一案其為何人戕害業派李瀚章馳往查辦嗣後各省督撫務當通飭所屬地方官細核條約本意遇有各國執持護照之人入境必須照約妥為分別辦理以安中外而杜弊端○丙午 上詣 觀德殿 穆宗毅皇帝几筵前 永思殿 孝哲毅

皇后几筵前行禮○派官振查勘 昌陵明樓等暨 泰陵方城各處應修工程○加撥通州千恕國等  
處粥廠粟米一千石○先是越南逆匪黃崇英糾眾倡亂勢甚猖獗越南國王阮福時乞援中朝法人亦  
有願與越南會剿之議 上以藩封多事慮擾邊疆諭雲貴總督劉長佑等相機剿撫是年四月間粵  
西右路防軍由越南保樂州進剿攻克縣府各城會軍進剿黃逆至是劉長佑奏據右路統領暨運使銜  
儘先補用道趙沃稟稱疊得探報首逆黃崇英尙伏河陽老東因官軍兩路進剿屢挫兇鋒乃約他股匪  
首周建新率同死黨分拒左軍而自以黨眾爲右軍之敵沿途憑險立寨備禦甚嚴意謂客軍遠來勢難  
持久守而不戰師老自退其志猶可逞也趙沃偵知賊情計非節節攻剿不能達其老巢非面面圍剿不  
能遏其去路咨會左軍統領記名提督劉玉成一軍由北太省屬相機進剿互爲聲援並飭南兵堵截下  
游防其他竄自調所部各營分作三路由襄安府直下合擊河陽其派往襄安府之堂茄陌茄等處者爲  
左翼乃參將黃新春督同新字東字各營勇先後攻克灘頭菜園那青那甲等處賊巢於五月初二日進  
紮滄襲在河陽之東七十餘里其派往襄安府之蕪子同千禾等處者爲右翼乃參將党敏宣副將宋福  
慶督同親兵營元字營各勇先後攻克江堤官廂南天門陷心河各賊巢於五月初三日進紮萬行山在  
河陽之西五十餘里其中路則派參將王正明副將莫雲成督同新後新右光字等營勇由襄安府猛集

進紮沁池傍俟等處五月初一日攻克沁州賊巢正在移營進紮黃逆崇英突率死黨號集前寨嚴匪約數千人奮力直撲勢甚兇猛莫雲成等嚴陣迎敵鎗斃多名勢猶未卻驟及日哺該逆收隊前山趕築營壘日夜相持苦戰趙沃得報飛調中路留防板環之參將黃義德都司党英蕭鴻光暨各率營勇星夜馳援至則該逆已退我軍跟追數里頗有新擒賊見前而山林叢密恐其設伏誘我未敢窮追趙沃以黃逆親出督隊忽爾折還必有他變正疑慮間探報黃逆見我中路有援未易得手偵知左翼新東兩營兵力稍弱冀可乘虛攻襲且其後路陌加等處留防僅有一營必難分援前敵乃欲勾引太原貞市勝匪陸之平馬二等由崑崙隘竄出棠陰灘頭先躡左翼之後即由左翼繞至中路板環地方使我中路前營不戰自退等語幸趙沃據調東新兩營添駐陌加與原駐之侯勉忠一營相爲犄角又慮中路留防之勇赴援前敵後路空虛先以丁冠楨梁俊秀之南兵補紮板環舊壘仍一面嚴飭前後各營悉力戰守一面飛咨左軍督帶李揚才由太原派隊視賊所向跟蹤追剿五月十四日陸馬各逆果由崑崙隘竄出縱燒民房侯勉忠等督勇攔擊鎗斃齊施傷斃多名賊即回頭敗走李揚才派出之隊斷其歸路該逆進退不能紛紛旁竄拋棄器械馬匹無數侯勉忠既收援賊知後路無虞仍率精銳趕赴左翼前敵適值黃逆率眾攻撲新東兩營相持之間侯勉忠揚旗突出勇氣愈厲黃逆度不得逞悉眾返奔徑回河陽老巢我軍追至

谷降馬王坪該處賊壘數座尙思依險抵禦各勇乘勢拔之遂駐其處自是三路營壘相望聲氣互通趙沃乃令同時並進會攻老巢五月十六日莫雲成黃義德等各帶小隊分土人引至山巔瞭望前途之大鴈龍灘那倉地面賊寨林立問之土人每寨守者數百人或百數十人不等惟最後之大寨地名猛法乃賊目陳亞水所守人數頗多精銳在焉山猛法南去十餘里卽安邊地方設立大寨與河陽老巢僅隔一河爲黃逆盤踞之處防備甚嚴莫雲成等回營細商必先拔去各處小寨乃可專攻猛法是夜各挑帶勇多帶火器仍用土練引道一由大鴈龍灘前進一由那倉山路繞出約定三更到齊分赴夾攻火礮齊發守賊倉皇失措拚命紛逃莫雲成等斬柵直入連破天鴈龍灘那倉賊寨十餘座斬獲無數餘匪散歸猛法甫及天明卽令各營進紮其處十八日猛法賊目陳亞水道其心腹到營呈請率眾投誠並能引誘逆左右反戈順罪莫雲成當面許隨卽兩約左翼專攻那雞板河右翼專攻草鞋店洞大河中路專攻猛法安邊河陽三面齊攻使其救應不及易於成功是夜五鼓莫雲成黃義德王正明等以三成隊留守營盤多立旗幟豫防詐變各率七成精銳出攻猛法陳亞水率眾迎戰且前且卻旋向安邊敗走莫雲成等既拔猛法分兵據守仍卽催隊趕撲安邊黃逆正在巢內督匪開礮忽見望樓上豎立官軍旗幟知爲內變擁眾出巢陳亞水之黨倒戈相向與官軍內外夾攻黃逆不暇戀戰奪門下船又見河陽老巢亦有

官軍旗幟降衆紛出迎投不敢徑入僅與敗殘之黨覓路潛逃餘匪見兩巢皆破或赴河下奪船溺死於水或由左右衝出均經官兵兜殺尸橫遍野棄械滿途莫雲成等奮擊數時之久傳令收隊分駐安邊河陽陳亞水率領部衆伏道叩迎並獻出偽印及米糧軍火各項冊籍該將等面加撫諭仍責令隨同官軍追捕黃逆以贖前愆同日左翼各營進攻那維板河右翼各營進攻草鞋店洞大河自辰至午均未得手適中路敗匪陸續竄來賊知官軍已破老巢心膽皆落我軍偕加奮勇一鼓直前兩路賊巢同時攻克斬獲甚多餘皆棄械混逃獸奔鳥散各處土人擒送到營者亦復不少此右軍山襄安三路進剿削平各寨克破安邊河陽老巢之實在情形也趙沃聞捷趕赴河陽將巢內礮械鉛藥概交南官領收所存米糧除酌發各營充賞外餘俱分給該國兵練及附近苗民查悉黃逆初竄塞門爲南軍劉永福所敗旋竄羊摩沙又爲新撫苗酋黃文通所敗離散路窮仍有回竄老山之信據訊獲賊供亦相同先後具稟到臣查黃逆崇英糾衆倡亂將近十年戕官奪城流毒中外近尤聞其勾通內匪意在覬覦私附外夷計圖報復而勢窮則深山匿迹兵退則死灰復燃尤爲故智洵屬渠魁此次棄黨潛逃勢必不能遠去當由臣重懸賞格飛飭兩路統領各督所部暨南官兵練購線搜山務獲乃已旋據趙沃稟稱自奉札後激勵各營帶同苗練分入老山深處實力搜拿並飭南官通諭山內苗徭探蹤協拿不得引路饋糧違者同罪六月十

三至二十日節接各營員弁捕獲逆目游品秀麥清華杜福生余長陸蘇林並僞元帥莫六僞軍師羅日精逆子黃亞留逆姪黃哥生逆妻黃蕭氏逆妾黃羅氏等各名口供稱與黃逆同避山內欲俟官軍退後竄赴十洲以圖再舉近聞搜拏甚嚴日徙數處各自衝散不知所在等語隨即島首示衆七月二十二日南官梁俊秀帶勇在芳渡社擒得賊目梁三一名訊悉黃逆現因路生糧缺於二十一日仍回安邊後山趙沃卽飭營勇士練於山之四面列陣合圍另派得力將弁以梁三爲眼線節節搜尋七月二十六日至芳渡社山內適有數人怕出窺探梁三認係賊中先鋒指示官兵大呼齊至見其先鋒共擁一人拚走衆知所擁自係黃逆生擒解營附近夷民擁觀如堵而積年受害認識該逆者更欲爭櫟剖之趙沃提訊再三直認不諱當擬派員督勇解省訊辦適南官枚貴等稟稱該逆擾害越南土苗爲之趨附生民塗炭慘不忍言今幸生擒懇請就地懲辦稍紓憤藉儆庶頑趙沃亦以邊境遐荒保無伏莽長途解送恐有疏虞遂勉從所請於七月二十九日就地寸磔島首示衆錄供具稟到臣旋准越南國王阮福時咨呈所稱大略相同此右軍生擒首逆黃崇英及各賊目之實在情形也左路劉玉成一軍自剿辦諱轉竄匪後正在調度進取探報周逆建新暗受黃崇英之約出居白通老果專拒左軍其蔓延北太各省屬徧立寨柵者皆周逆悍目馬二陸之平朱成魁陳十四等黨衆蓋欲以之分我兵力彼得穩居老果劉玉成前隨提



臣馮子材兩次出關深悉黃周兩逆之狡悍非他賊比與其合而難圖不若分而易制擬以數營由波賴通化進攻白通專撲周逆老巢更以數營爲游擊之師星分棋布視竄賊所在而鵬翔之使其自顧不暇乃可制周逆之命而絕黃逆之援四月十六日飭副將陳朝綱督鎮柳數營由板考進攻大舍隴密賊巢先約南兵由安世繞出賊後兩面擊之逆目朱成魁陳十四等見腹背受敵棄巢衝出我軍跟剿數十里斬馘三十餘並於山內搜獲崩牙陳卽陳十四一名解營訊辦餘匪遠颺其附近香滑三和各巢聞風效順北甯境內已無賊蹤劉玉成飭總兵李揚才率常勝數營進攻原平縣屬之波賴股匪都司陳德朝領隊先行至離波賴十數里橫排地方適遇悍賊數百在外打搗陳德朝列陣迎戰礮斃騎馬先鋒二人賊勢已卻我軍後隊繼至正欲追撲忽報深炎巖之賊出援波賴時近黃昏陳德朝鳴金收隊趕築營壘次日李揚才親督常勝左營親兵營專攻深炎巖之賊令前廣東香山協副將黃國安督同陳德朝率勇分攻波賴同時並進賊不能援蹙至日中波賴賊巢先克深炎巖之賊亦卽出巢向通化逃去李揚才率隊追殺多所斬擒其波賴敗竄之匪係賊目譚福所領經黃國安陳德朝追及於北卜山前擒斬無遺訊據擒賊供稱前日橫排接仗礮斃之騎馬賊卽爲賊目周二譚福等語波賴深炎巖既拔周建新知官軍乘勝必圖通化府城乃由白通挑出精悍往助戰守李揚才督常勝五營馳赴通化築營城外周視牆深高

深且固仰攻旬日矢石兩飛各營皆有傷損而劉玉成以通化爲白通門戶不克通化不能規取白通迅  
圖周逆日夜申令督戰甚嚴五月初八日李揚才派黃國安陳德朝周炳林等各率營勇多備竹梯乾草  
於更深時潛伏城壕近處約放礮聲並起環攻周炳林緣梯先登手刃開賊數名黃國安陳德朝等分投  
繼登各勇扒牆奪門蜂擁齊登逆寨倉皇亂走周炳林督隊跟追右懷忽中礮傷猶裹創忍痛策馬而前  
追至河邊水漲無船賊不能渡有溺斃者仍有折回死拒者各勇乘勢截殺餘賊不能入山是役擒斬數  
百人溺斃不知其數遂將白通收復當白通未復之前太原股匪朱成魁趙花丹卽趙二李大卽李春奇  
等勢甚猖獗該省吏官文鎮等赴營請兵當派副將陳朝綱督鎮柳前左右後四營由北甯馳赴太原帖  
境探明賊蹤相機剿辦並派副將蔣榮昌帶鎮柳中營山原防平嘉地方取道永安社節節搜剿而前與  
陳朝綱所督四營合軍進剿探報太轄之賊股數紛歧勢難進兵一處陳朝綱商同蔣榮昌宋達明各領  
營勇分爲兩路仍留一營以爲後防兼資策應五月十三四等日蔣榮昌宋達明由武崖洞喜兩縣屬進  
剿金鐵凌雲社踞匪轉出都市隨破姥上辰砂買市各寨五月十五十六等日陳朝綱由大慈文郎兩縣屬  
進剿富明仙會窩匪隨攻趙逆花丹老巢破其卡棚三處斬獲數十人趙逆率黨潰出奔往從化府陳朝  
綱督同副將劉應高等跟蹤緊追直徧從化賊巢維時李揚才之常勝五營已於攻破通化後調至白通

與周逆建新連日接仗未能得手五月十九日夜李揚才督同周炳林陳德朝等隊分三面肉薄仰攻並以柴草堆積開外賊恃黨眾垣堅拚命抗拒迺時火發烈焰通明蔣榮昌宋遠明等正自買市兼程趕來望見火光從右側整隊直出蹈隙先登周炳林陳德朝等亦乘勢騰撲前開併力破入賊猶巷戰移時旋從後開奪路狂奔我軍追至陽光地方因大河浮橋為賊所斷即收隊回營查點各營俘馘雖多並無周逆在內乃商留鎮柳中左兩營駐守白通搜捕餘匪李揚才即督常勝五營紮筏渡河追出芳園貞市仍即分隊徧搜敗殘匪徒捕獲幾盡而周逆仍無下落其追徧從化各營連日圍攻斃賊不少巢內眾情惶懼乘夜潰逃分竄文郎縣之上涼下涼半江硝廠等社經陳朝綱派隊分剿盡破其巢隨即轉出鳳尾下檀等社沿途均有斬獲自是太原北寧轄境亦無成股巨匪惟者嚴之逆匪陸之平馬二議撫未成勢猶負固劉玉成令李揚才督常勝四營會同趙沃派出之新東中宇各營協力環攻期於剋日得手仍令鎮柳各營於原紮處所日出游隊搜尋周逆蹤跡勿任遠颺先後具稟到臣時黃逆崇英尙無擒獲信息臣恐與周逆竄伏一處其勢復張為患無已即經嚴札左右兩軍會同購緝不得互相推諉貽害將來旋據劉玉成稟稱都司陳德朝回防白通時督同弁勇在枚臘社青雲山內搜獲偽軍師黃天福即黃三一名又哨弁李維嶽馮長福在鐵廠下關社等處搜獲逆目鄧亞兒農亞唐杜復新三名匪黨十餘名均隨周

逆逃走中途相失訊明後卽行島示七月初九日有虔陽土人赴劉應高營中報稱周逆自白通敗後竄至叫條又聞官軍起來勢感路窮黨與日少現伏虔陽僻處距營三十餘里劉應高卽派哨弁傳觀華柯正衡等帶隊與土人同往中途又獲梁亞貓一名訊係周逆先鋒出外探信劉應高釋令引擒周逆比至虔陽派隊分守小徑防其越竄自率傳觀華暨親兵纔日共數十人於天將明時突入該逆臥處哨弁鄧俊寶手捧逆髮倒曳在地傳觀華等上前捆縛該逆拚起怒立抽刀亂斫各賊目齊來搶護與親兵正在格鬪劉應高喝令生擒已將逆從戮斃十餘人並僞軍師三名在內逆妻黃氏泣隨周逆就縛解營行至中途周逆因傷斃命提訊黃氏供認是實各降衆亦能辨識無疑隨將周逆之尸寸磔傳示遠近觀者同聲稱快此左軍劉玉成進剿獲勝收復北太轄境府州城社擒斬首要各逆之實在情形也查此次防軍出關原因越南君臣迫切請援且兩次咨呈恭述前奉諭旨臣固不敢以邊地有餘之兵力致負聖明無外之仁心而內度邊情外觀賊勢苟能除兇於屬國亦非無裨於粵疆蓋中外地既毗連則緩急勢有關係況黃周各逆本爲內地漏網之餘若氣餒日張保無他日首邱之志是以出師之請不敢畏難然自奉旨俞允轉行遵辦以來早夜憂虞深懼調度或乖致於中外之間多所違礙前與司道商度再四竊有端倪比親至南寧接見兩軍統領時面授機宜共相策勵固切望其事之克濟而未敢必其功之

有成茲幸仰託 天威將士用命數月之間蕩除數股巨寇並將首要各逆次第斬擒誠足以彰國法而快人心廣 皇仁而綏藩服現查越南祇有陸之平與馬二收合餘匪員固者歲正在合軍圍攻不日可滅臣擬俟者歲報克後卽飭兩軍次第入關妥爲布置以固邊防仍量爲撤留以省軍餉其越南零星餘匪應由該國之兵自行搜捕不致重勞我師得 旨著劉長佑督飭各軍卽將者歲攻克以綏藩服而固邊疆各軍入關後應撤應留著劉長佑隨時酌量情形妥籌辦理務使餉精可餉而地方足資鎮守○丁未予故貴州巡撫曾昭光祭葬卹太子太保銜諡文誠賞其子廩生尙矩員外郎孫瀛森舉人襲祿主事○以黎培敬爲貴州巡撫林肇元爲貴州布政使余思樞爲貴州按察使○辛亥奉移 穆宗毅皇帝暨 孝哲毅皇后梓宮暫安隆福寺行宮是日卯刻 上詣 觀德殿 穆宗毅皇帝几筵前 永思殿 孝哲毅皇后几筵前行禮辰刻 上步送 梓宮至景山後恭奉 慈安端裕康慶皇太后 慈禧端佑康頤皇太后啟鑒○諭 穆宗毅皇帝 孝哲毅皇后梓宮奉移 山陵所過之處百姓追思 德澤愛慕孔殷允宜迭沛恩施以示軫恤所有大興通州三河薊州遵化五州縣本年應征錢糧業經降旨分別蠲免其各該州縣蠲贖本年錢糧著再加恩全行蠲免該五州縣尙有應徵本年各項旗租並著一體蠲免○癸丑劉坤一吳元炳奏准刑部咨議覆御史鄧慶麟奏軍務肅清省分拿獲盜賊土匪請照舊例辦

理抑或稍爲變通一摺各省情形不同能否改歸舊制或於成例之中酌量變通之處應令體察情形妥議章程迅速具奏等因知照前來當經前督臣李宗義札飭臬司會同各該巡道體察情形酌核議詳去後茲據江蘇按察使應寶時會同各巡道擬議詳覆前來臣等覆查江蘇省自軍務肅清以後一切尋常盜案均係照例解勘惟游勇糾劫之案曾經前督臣馬新貽於同治八年七月十二日奏明准山州縣錄供稟報督撫批飭附近道府覆訊明確如果賊匪確鑿即行就地正法以昭炯戒等因欽奉諭旨允准在案數年以來游勇搶匪強劫之事仍復不少徐海各屬地方伏莽亦尙未能淨絕若將此項土匪游匪一概照例解勘則稽延時日實不足以示懲創而儆效尤並恐道路稍涉疎虞轉致釀成巨案自應於規復舊例之中酌量變通辦理臣等體察情形應請嗣後江省遇有游勇搶匪及著名土匪聚眾行劫之案如係放火殺人姦淫婦女及情形實在兇惡者一體拿獲山州縣具供稟報督撫批飭該道府就近覆訊實係供證確鑿情罪無疑就地正法梟首示眾其餘尋常搶劫案犯仍照舊例解勘似此酌量變通庶匪徒知所儆畏而辦理亦無窒礙矣下刑部知之○甲寅丁寶楨等奏准部咨欽奉 上諭御史劉瑞祺奏請飭籌運河一摺等因欽此伏查河運一事歷代經營至數百年南漕始能徑運通州略無阻滯以現在大局而論誠爲不可廢之良法自咸豐五年黃河北決銅瓦廂山張秋穿運入大清河挾汶東趨運道

因致梗阻時以軍務方殷未暇修治又值南漕停運遂忘其害至同治四年試辦河運始議疏濬運河因張秋北至臨清之運河所有濬運清水爲穿運之黃水所奪別無清水可濬不得不待黃濟運故漕艘必候汎渡黃而穿運之黃流又南移至安山距張秋幾六十里支溜分歧一歲數變以致運道節節淤阻漕艘未渡以前吏須繞走東西兩坡湍激淺澀其險不一汎期之漲落久暫不同舟行之先後通塞頓異猶幸米數多不過十餘萬石船數不過五六百隻得以設法浮送無誤重運現在南漕酌議加增運道自當豫籌修治以期漸復舊規臣國荃於四月下旬甫經履任卽值豫境黃汎將臨籌防緊要於所轄山東運河尙未躬親履勘當卽周諮博訪先將大概情形與臣寶楨兩商臣寶楨歷年籌辦疏運利漕事宜於東省黃運交涉之處知之確悉復查東境運河南自江南交界起北至直隸交界止計程一千一百餘里其受病固在張秋穿運之處而穿運之處渡黃尤爲運道關鍵臣前以穿運之溜漸合南移上游時虞南決若任其南決則南陽微山各湖悉成淤墊而南路運道之壞其弊轉甚於北蓋北路多係河身河身消涸尙可疏濬南路所恃湖水湖水淤墊則萬難挑復坐使國家久遠至計廢於一旦關係實深故頻年來堵塞候家林議辦石莊戶均於上下游接築長堤所期南北兼籌冀以束橫流而顧運道耳查自上年接築王家垓以下新堤以達於十里鋪所有安山三里鋪頭道樓減水坑等處穿運之支流俱已無水計保

運道約五六十里並西坡涵復民地亦萬數千頃自今春堵合賈莊決口並接築南堤已屬於十里鋪所有候家林霍家橋張家文門向爲黃溜經行之處皆已無水計河流內涵出之民地又將二百餘里而運道多一重門保障似較完固現在黃水穿運僅在十里鋪至八里廟三十餘里較前祇有十分之二三惟此十餘里之姜莊尖河莊兩段運河淤塞過甚此時黃水北流雖深挑亦必旋淤徒糜工費將來漕船經行此地水大則山西坡林家廟田家灣道人橋順流而至八里廟渡黃水小則由東坡石家橋李家壩晉城溯流而至張秋入運比從前均較便捷此在北穿運之患現在略愈於前數年之實在情形也至南路之沿運諸湖向爲水櫃以資蓄洩自咸豐三年工漫溢北注湖河致湖河之彭口十字河沙山沖入運河而舟行須繞走微山湖運河離之十八水口十二單開石工壩入河內而舟行又須東繞獨山湖棗林仲淺各閘之河淤墊而舟行又須繞走西坡至新店始能入河曲折紆迴曠延時日計行運之河間段淤塞蓄水之湖隨處行船於蓄河機宜已無把握至前歲石莊戶漫決之水經兩年伏秋盛漲之時河湖聯成一片致將微山湖之湖口雙閘及朱姬馬令三星各減開石工多已冲壞現在不能堵閉收蓄湖水既恐入閘以下之閘河無水運接濟而坡地前可通舟之處亦必一律受淤非趕緊分別籌辦漕艘恐難暢行此在南受淤之患現在較甚於前數年之實在情形也查運河之廢壞已非一日要其穿阻受淤莫



非黃水之害先治黃而後治運一勞永逸之道也不治黃而但治運補苴補簡之計也臣寶楨前屢奏黃  
流應復淮徐故道誠以黃水在北治運斷無長策運道斷不可廢亦須亟擬規復但未治黃而只求所以  
治運者多費實未免糜耗計惟有隨宜補救期於無誤漕行因各省漕糧難議仍由河運而米數船數尙  
須逐年遞加卽運道工程亦可分年酌辦現在山東運河北路如故而南路受病情形較往年更重自須  
先將微湖之湖口雙閘及各減閘趕緊修砌及時收蓄以保湖漕並將棗林仲淺西坡一帶淤淺之處察  
看是否尙可行舟運河正身亦應量爲挑濬惟工費較繁若須舉辦自應預爲籌欸以期於今冬明春一  
律辦成擬俟霜清後詳查估計奏明辦理至需用欸項東省本年興辦大工漕運糧道東海關各庫羅掘  
一空已無可籌將來估計工需若干惟有籲懇 天恩飭部及早預爲籌撥解工由臣國荃督飭道屬  
分別認真趕辦其北路穿運之處應須挑濬事宜仍由臣寶楨查照每年辦法督飭各州縣核實辦理所  
需工費卽由本省竭力籌撥應用奏入下部知之○乙卯諭朕恭送 穆宗毅皇帝 孝哲毅皇后梓宮  
奉移 山陵鑾輿禮成所有恭理喪儀之恭親王奕訢手郡王奕訥科爾沁博多勒噶台親王伯彥訥謨  
祜貝勒奕劻固倫額駙公景壽大學士寶鋆協辦大學士吏部尙書總管內務府大臣英桂禮部尙書靈  
桂工部尙書李鴻藻禮親王世鐸禮部尙書萬青藜工部尙書總管內務府大臣魁齡工部右侍郎桂清

均能恪恭將事著各賞加三級恭理喪儀之惇親王奕諱因留京辦事未派恭送亦著賞加三級禮工兩部堂官除靈桂萬青蔡魁齡李鴻藻桂清均經賞加三級外禮部侍郎察杭阿黃偉綿宜徐桐工部侍郎成林何廷謙宜振及承辦喪儀之內務府堂司各官暨禮工兩部司官辦理一切悉臻妥協俱各賞加二級前管理工部事務之大學士文祥前任工部侍郎現調盛京工部侍郎訥仁及署任未久之前署禮部侍郎大理寺卿潘祖蔭並各營派出 蘆殿管營等官太常寺隨從堂司各官俱各賞加一級恭送 梓宮及隨從御營之王公文武大小官員侍衛章京等並守護 陵寢公載遷河雲總兵景瑞均著賞加一級守護 隆福寺行宮之拜唐阿兵丁並隨從御營之兵丁均著賞給半月錢糧以示朕推廣施仁至意

○丙辰以辦理 穆宗毅皇帝 孝哲毅皇后梓宮奉移 山陵差務費直隸總督李鴻章及文武大小員弁各加一級○庚申 上奉 慈安端裕康慶皇太后 慈禧端佑康頤皇太后回鑾○還宮○辛酉左宗棠奏軍務需人仍請 諭令候補三品京卿劉典迅速赴甘幫辦得 旨昨據譚鍾麟奏請飭劉典迅赴蘭州已諭令王文韶傳知該員欽遵前奏諭旨迅速啟程矣○左宗棠奏 臣所部各軍雖不僅一省一路之人究竟藉產為多各將領皆十餘年前舊部未弁勇丁積功拔擢所致竊維咸豐十年 臣奉命襄辦江南軍務其時辦理 軍營務者三人一道員王開化不幸和勞早逝一劉典一浙江撫臣楊昌溶

皆平時道義切磨潔清自矢堪共患難之人臣茲遠征兵事餉事不能不以陝甘爲根本臣之所以籲懇  
天恩簡劉典幫辦陝甘事務者以此如楊昌溶能去浙席隴則臣更可資其幫助 上諭軍機大臣等  
西陲軍事緊要襄辦需人惟楊昌溶係封疆大吏如今前赴軍營著該大臣等先行奏明請 旨辦理將  
此諭令知之○文麟奏哈密幫辦大臣明春在哈密帶隊防剿尙爲得力該員現在丁憂未便遽易生手  
得 旨著照所請改爲署理哈密幫辦大臣○以剿平海洋島竄匪高希珍等功獎敘遊擊李揚威佐領  
明信等有差○癸亥召劉秉璋入覲○准前江蘇按察使應寶時終養○諭御史鄧慶麟奏官當停止請  
飭妥爲籌議一摺著該衙門議奏○楊昌溶奏撫恤琉球國遭風難夷慎謝花等並護送歸國報聞○崇  
實岐元奏前因秦省州縣各官滿漢均有專缺每有人地未宜礙難吏調又因滿漢分管旗民諸多掣肘  
是以援照熱河成案奏請滿漢兼用並請加理事同知通判銜庶可相地擇人旗民並理誠爲目前整飭  
吏治必不可緩之急務也茲據吏部來文照例議駁伏思設官之初區別滿漢誠屬彼時之宜部臣固當  
恪守定章免滋流弊無如今非昔比勢隨時遷叙才等歷承 聖訓諄諄以吏治民生爲念曷敢不因時  
變通以於有濟前次所以再四思維詳加商酌勢不能不將州縣略爲變通冀可轉移積習不致牽掣如  
前況此次部議蒙民交涉必用旗員舊制相沿不宜或改若以審理蒙古案件而論與如昌圖繼最多次

則莫如新民廳查新民原設卽係滿漢兼用昌圖前爲理事通判後改爲撫民同知亦係滿漢兼用又如遼陽州原係漢缺後改爲滿漢缺兼用寧海縣亦係漢缺後改爲金州同知而亦滿漢兼用由此觀之非特熱河有案可仿卽在奉省亦不啻有例可循也部議又云不能勝任之員立卽撤回另行請補夫人必待不勝任而後撤其貽誤地方已可想見與其撤委於事後補救無方不如詳審於事前斟酌盡善之爲愈矣總之人才賢否政令得失不在滿漢而在擇人奴才等若非目擊其情身歷其境亦不知廢弛情形至於此極刻下人才無多缺分亦少若復拘執滿漢則此長彼短欲求人地相當也實難旗營兼理詞訟民無適從若夫拘執旗民分管則我疆爾界欲望該地方官專心圖治也更難部臣所謂並無今昔不同者殆未目擊其情身歷其境耳 上諭崇實等奏奉天州縣各官仍請變通辦理一摺著軍機大臣六部九卿歸入崇實前奏變通吏治章程摺內一併會議具奏○是月日斯巴尼亞國使臣法樂德回國買思理署理

冬十月甲子朔時享 太廟遣慶恩恭代行禮○丁卯內閣學士鑲藍旗漢軍副都統祥泰因病乞休允之○己巳上詣 壽皇殿行禮○彭玉麟等奏忠義副前營營官副將譚祖倫淫惡藐法審明後按照軍法就地處決並請將失察之提督劉維楨交部議處得 旨如所請行○辛未以營務廢弛革奉天義州

城守尉松齡職○崇實岐元奏籌辦大東清木稅及地畝升科各種善後事宜現有頭緒請添設同通或州縣官二三員清理詞訟徵收錢糧再於鳳凰邊門添設監司一員並加兵備字樣以爲控制下部議○諭軍機大臣等前據譚鍾麟奏請旨提西征年終一月滿餉並催各省奏撥出關糧運的餉及催提金順等軍糧餉當令戶部速議具奏茲據該部奏稱本年九月間左宗棠奏請將部撥出關糧運專款內短解銀一百四十餘萬兩限期提解經該部奏准令各省查明欠解上年部撥各款勒限一箇月解清即著該將軍督撫等查照戶部奏案辦理至譚鍾麟請提西征各軍年終一月滿餉六十萬兩據戶部奏稱擬於浙江四川湖北山西各提銀七萬兩福建廣東河南各提銀六萬兩江蘇提銀五萬兩安徽提銀四萬兩湖南提銀三萬兩山東提銀二萬兩共銀六十萬兩均在各省積欠西征協餉內提解等語卽著各該省督撫如數籌撥限本年十一月內解清毋得稍有短欠至金順軍山西月協餉銀二萬兩河東道月協餉銀一萬五千兩四川月協銀三萬兩湖北月協銀二萬兩陝西月協銀一萬五千兩江海粵海江漢三關月各協銀二萬兩共銀十六萬兩嗣將湖北四川兩省協餉內按月劃分明春銀三萬兩現在金順每月協餉銀十三萬兩明春每月協餉銀三萬兩金順接統景廉一軍月餉山東月撥銀二萬兩河南月撥銀二萬兩山西月撥銀一萬兩四川月撥銀二萬兩湖北月撥銀五千兩共銀七萬五千兩經戶部奏明各

省欠解新辦軍餉內按月撥解豫師月餉山東月協銀一萬兩河南月協銀一萬兩兩淮月協銀五千兩共銀二萬五千兩張曜月需乾銀五千兩亦經奏准在山西藩庫按月撥解自本年五月以來除陝西月協金順餉銀業經籌解外其餘各省關應解各軍月需餉乾或全未報解或欠解甚多著各該督撫等將每月應撥金順等軍餉乾飭令各監督司道等按照協撥數目報解月清月欸如再遲延短解卽由左宗棠譴鍾麟分別指明奏參其以前欠解月餉並著先解一半限一年內分解各軍應用其餘一半仍隨同現解餉銀按月設法措解俾資接濟譴鍾麟於前項各餉解到時卽迅速撥解各營以應急需將此由五百里諭知左宗棠福州將軍兩江湖廣閩浙四川兩廣江蘇安徽江西浙江福建山東山西河南湖北湖南廣東陝西各督撫並傳諭粵海關監督知之○丙子諭恭上 慈禧端裕康慶皇太后 慈禧端佑康頤皇太后徽號著欽天監於明年七月內敬謹選擇吉期舉行○戊寅諭軍機大臣等金順奏歸併隊伍並擊敗撲屯賊匪一摺賊匪撲犯水泉地方圍攻屯莊肆行劫掠經金順飭令總兵孔才派隊擊退仍著督飭防兵隨時探擊以杜分竄金順軍營現將景廉移交馬步各隊汰弱留強併爲馬勇十營步隊九營卽著嚴飭統領各員隨時認真訓練俾成勁旅其留紮安肅各隊現因駝運不繼致稽前進著左宗棠妥籌接濟以期迅速成行金順仍當設法接運催趲西進並與左宗棠隨時會商迅速進剿毋得藉詞延

宕致誤戎機江蘇泰撥金順軍營駝價銀五萬兩久未報解現在該營採辦駝隻需用孔亟著沈葆楨吳元炳督飭藩司限年內如數籌撥卽交金順委員領解回營以濟要需將此由五百里各諭令知之○諭前因御史余上華劾陳郎中啟績參款當經諭令寶琮等按照所參各節認真查辦茲據查明覆奏原參該部撤派司員差使等項查係該堂官公同商定啟績尙無把持緣引情事口北道出缺日期係在啟績題升郎中之後並無將吏部咨文攔置之事該員充當京捐局總辦撰擬堂諭亦無永遠不行更換字樣均著毋庸置議惟該員辦理廣東汲水門洋稅一案漏未行文總理各國事務衙門失於稽查其陝甘河南奏銷各案未俟派辦處覆核卽行呈堂標畫或至三月之後始行辦理實屬錯誤延且於鍾珂升補郎中該員未卽回堂以致漏未陳奏尤非尋常疎忽可比郎中啟績著交部分別照例議處所有汲水門洋稅陝甘奏銷河南銷冊各案失察及遲誤各員著查取職名一併咨部分別議處該部堂官未能覺查並著交部議處○以直隸保定府監犯王倉等反獄脫逃著將保定府知府李培祐臬司范梁一併交部議處仍著李鴻章勒限嚴緝逃犯○己卯諭前據都察院奏前浙江嘉興府乍浦理事同知志文以大計參劾不公等詞赴該衙門呈訴當令胡瑞瀾確查具奏茲據查明奏稱志文聲名陋劣嗜好甚深前署杭州理事同知時有向輜卑勒折差價枷資卑夫等事是其前次被參並無風抑至上年大計時海甯州

判宋勳鉞該撫本末糾參麗水縣典史唐鳳采本係列參之員並非撤銷抵補其古田縣知縣王承霖先經溫處道詳參該撫以考語未確批司查明有無劣跡另行詳辦因天台縣知縣丁樹良年老糊塗不治輿情應入糾參核正具題係爲慎重考核起見志文以大計被參之員曉曉置辨且以並無實據之事率行牽訴實屬謬妄糊塗志文著交部照例議處○諭前內給事中王書瑞奏浙江餘杭縣民婦萬舉氏毒斃木夫葛品違誣攀已革舉人楊乃武因姦同謀問官迴護原審請派大員查辦當派胡瑞瀾提訊茲據該侍郎奏稱反覆訊究此案實係楊乃武因姦起意令萬舉氏將伊夫葛品違誣供證暨同案無遁飾按律定擬並聲明此案原擬罪名查核並無出入等語著刑部速議具奏另片奏請飭部通行各省嗣後辦理案件有原報與現訊不符者仍照叙原呈再將到案究出實情明晰聲叙以歸核實著刑部一併議奏○庚辰撥內務府息銀三千六百兩散給五城貧民棉衣○諭御史鄧慶麟奏京控案關承襲王職亟宜迅速訊辦一摺據稱蒙古已故郡王達達巴扎木蘇之母繼福晉諸爾斯德瑪氏呈控盟長欺瞞冒襲王職一案該原告福晉等均已來京候質迄今一年之久理藩院並未提傳被告請另派大員嚴訊等語此案業經理藩院於昨日具奏即著該衙門將該案人證卷宗迅速提集秉公嚴訊確情據實具奏毋稍延緩該御史所請另派大員審訊之處著毋庸議○諭楊昌溶奏浙江沿海南田島請行開禁一摺浙江



象山甯海兩縣交界之南田島地方向係封禁現在附近居民因該處土性沃饒每潛往搭寮開墾著照所請卽行開禁聽民耕作並著楊昌濬派員前往查勘悉心籌辦務臻妥善所有清丈界址徵收糧賦以及招徠承墾移宜設兵各事宜卽行妥議具奏另片奏大衢山地畝請查丈升科等語定海廳屬大衢山向係荒地並無封禁明文現在該山居民甚衆生齒日繁卽著將飭該地方官勘明地畝分數按則升科並確查戶口人丁田地山場實有若干將糧賦徵稅事宜一併議奏○辛巳以載容著鑲黃旗蒙古都統安興阿署鑲紅旗滿洲都統○諭吳棠奏川軍剿除股匪請將出力各員升獎勵一摺本年七月間四川叙永廳邊界毗連雲南鎮雄州屬匪徒滋事經吳棠督飭提督李有恆等馳往剿辦當將賊巢攻克並擒獲匪首及餘逆多名川省邊界地方安靖剿辦尙稱妥速在事出力各員弁自應量予恩施提督劉道宗著賞給銳勇巴圖魯名號總兵李鳳友著以提督記名簡放參將李連發著以副將儘先補用知府李光猷著以道員前先補用副將謝思友等均著以總兵記名簡放游擊夏如斌著以參將儘先補用都司張祖純著以游擊儘先補用把總姚大興著以守備儘先補用並賞戴花翎土司任光閣著賞戴花翎以示鼓勵○諭給事中邊寶泉奏重案審辦未協請提交刑部辦理一摺浙江民婦葛畢氏謀斃本夫一案硃廷爲慎重民命起見特派胡瑞瀾秉公研究並嚴諭詢侍郎不得迴護同官含混結案現在既經反覆訊

究案無滯飾已將全案供招交刑部如有彌縫之處該部不難悉心推究若外省案件紛紛提交刑部向亦無此政體所請著毋庸議此案仍著刑部詳細研求迅速核議具奏俾成信獻○壬午諭軍機大臣等劉坤一奏匪黨潛滋請飭密查妥辦等語妥清道友哥老會匪黨甚眾散布各省地方狼狽為奸深慮釀成巨患著該督撫等不動聲色密查妥辦○諭穆圖善等奏職官被控重款請分別撤任革職歸案訊辦一摺吉林阿勒楚喀協領烏勒舒佈委協領蘇勒通阿被佃民劉慶餘等以竊商剝民贖列多款先後具控佐領全保界官成福亦被控有勒索苛派重情案關職官婪贓營私亟應澈底根究從嚴懲辦以儆官邪烏勒舒佈蘇勒通阿成福均著即行革職歸案嚴行審訊按律定擬具奏全保著即撤任歸案聽候質訊副都統崇欽於各該員被控各情有無徇縱情弊著穆圖善等查明請行辦理七品筆帖式烏勒錫龍阿業經斥革人員改名充補現在被控多案且有鑽營著缺情事實屬膽大妄為著即革職拿問至吉林積弊相沿地方官需索苛派幾至習為故事亟宜趕緊整頓痛除積習若不將此案照例究辦何以懲貪劣而儆將來除此外情尚可原者姑准暫行免究外仍著嚴定章程力杜苛派情弊倘敢違例婪索即行嚴究不貸○癸未賞京師八旗及綠步各營官兵一月錢糧○以雲貴總督劉嶽昭自奏報啟行後任意逗遛交部嚴加議處○諭前據崇實等奏奉省大東溝現辦督後情形一摺當有旨令該部議奏嗣後

據崇實等奏稱升科一節先應明降 諭旨等語流民私種邊地例禁甚嚴惟既墾荒成熟從前亦曾奉  
旨允准徵利現在該處地畝小民開墾多年樂輸租稅朝廷恩施格外原可寬其既往以達民生所有大  
東溝一帶已熟地畝著准其一律升科無論旗民凡在地開墾者一體編入戶口冊籍卽著崇實等督飭  
委員將一切事宜妥爲經理務使各安本業勿任滋生事端用副子惠閭閻至意○鹽紳等奏三姓等處  
夥賊竄擾江北呼蘭縣地方截剿獲勝擬乘秋獵搜山殲滅餘孽報聞○甲申諭前因御史周聲澍奏參  
磨勘官違愼行私各摺片當經諭令覆勘大臣詳核具奏茲據寶器等奏覆勘應議各卷並遵 旨據實  
覆陳各摺片除應議之卷已照所議辦理外此次梁僧寶磨勘各卷羅列多致無不是處惟科場文字總  
以清眞雅正爲宗其無關文理弊習者自應從寬免議嗣後派出磨勘各員務當一秉至公不得含混塞  
責亦不得有意吹求致形苛刻○乙酉諭岑毓英奏職員違例薙髮紳士挾嫌糾讎請 旨懲辦一摺已  
革雲南州判朱允慎於國服期內違例薙髮貢生王蔭祥輒因挾有夙嫌藉端赴訪革員所辦釐局內率  
衆糾毆均屬目無法紀朱允慎情罪重大姑念該革員素有疲疾誤會日期著照所請援照嘉慶年間曹  
自輝免死發遣成案從寬發往新疆効力贖罪王蔭祥著卽片革職往近邊充軍以示懲儆○丁亥勅封  
朝鮮國王世子以古和爲正使烏拉喜崇阿爲副使○戊子以剿辦興京邊外金匪功獎叙吉林馬隊營

總佐領承德泰天鑲紅旗馬隊營總佐領時尙春等有差○己丑予京師兵丁借支應扣庫銀展限兩月  
○癸巳諭前因浙江學政胡瑞瀾奏復訊民婦馮畢氏因姦毒斃本夫均品連分別定擬一摺當交刑部  
速議具奏旋據給事中邊寶泉奏案情未協請提交刑部辦理亦經諭令該部詳細研求茲據該部奏請  
查核此案原起情節與現供歧異甚多諸飭再行嚴訊等語命案重情亟須核實研訊以成信讞著胡瑞  
瀾按照刑部所指各節提集犯證將覆訊與原審情節因何歧異之處逐一研究明確毋枉毋縱總期情  
實罪當一切持平不得稍涉含糊意圖遷就並將詳細供詞彙叙明晰定擬具奏○是月丹麥國使臣拉  
斯勒福回國由俄使布策兼攝之○美利堅國使臣艾忒敏卒參贊何天爵署理○日斯巴尼亞國遣赫  
海連來署使事

十一月甲午梅啟熙奏捐輸事例原 朝廷不得已之舉非可云善政也現在西北軍務未平焉能驟議  
停捐但推廣招徠之中亦當寓慎重名器之意臣愚以為花翎一項所以勸有功之臣乃賞戴非捐戴也  
且捐資無多徒形冒濫不如停止此項作為鼓舞將士俾軍務易竟全功又在任候選一項諸形窒礙有  
州縣而捐知府在任候選者與本管知府迹似平行直隸州而捐道員在任候選者其本管知府他日將  
為屬吏職分相抗安能表率且大計縣吏以廉為本乃各州縣清廉自守累年不得升卽升亦不過一階

而貪吏剝取民財加捐班次且越級捐升仍在本任恣其貪賄是貪吏不可爲而可爲矣官聲不問優劣有錢即可自陞殊非 朝廷獎勵廉潔之道不如停止此項較爲澄敘官方俾百姓稍免朘削凡弊必去其太甚而理必期夫共安相應請 皇上明降 諭旨專停止捐戴花翎及捐在任候選二條於捐款無甚短絀而於軍務吏治似有裨益且與政體實有關係 上諭御史梅啟熙奏請停止捐輸花翎及在任候選等語著該部議奏○丁酉以郭嵩燾署兵部左侍郎並在總理各國事務衙門行走○諭軍機大臣等前因劉坤一等奏已革總兵府故綸主使毆斃人命一案當交刑部議奏茲據都察院奏府故綸遣抱呈訴胡士禮斃命時府故綸並未在場因陳國揆嫌唆使胡士禮服毒陷害賄使伴作捏傷並兩江總督刑部具招等語沈葆楨市到兩江無所用其詞證著秉公嚴訊務得確情詳細具奏○戊戌諭岑毓英奏官軍攻克鎮雄州屬大寨擒斬首要各匪一摺勦辦尙爲迅速惟該處係三省邊界恐多伏莽著即認真搜捕以淨匪蹤○己亥諭吏部奏遵議劉嶽昭處分一摺雲貴總督劉嶽昭自奏報起程後任意耽延實屬玩愒著照部議卽行革職○以劉長佑爲雲貴總督嚴樹森爲廣西巡撫○以楊重雅爲廣西布政司成定康爲甘肅按察司○劉坤一吳元炳奏已故吏部郎中原任江蘇浦縣六合縣知縣雲茂琦政績卓著請交國史館立傳下吏部議○庚子吳棠奏川省頒徵糧賦課稅向不敷年例支款軍興以後度支日

煩不得已舉辦捐輸遊金近客以鹽貨兩盤俱大減色而綜計本年應解應支之款除本省漸減屯官兵俸餉養廉役食家費等項共銀一百五十餘萬兩外另有奉撥之京餉直隸練餉工程織造等款共銀七十餘萬兩均係緊急要需勢難展緩又奉提撥直隸海防山東河工各經費雲南之銅本及本省分防邊夷之虎威律武定邊武字達字武安親兵裕字安西各營勇丁並省標四鎮精兵與馬過越傷峨邊山波四廳防勇口糧共需銀八九十萬兩此外尚有前餉甘餉及應還山東省借撥點餉暨新領金順明春各軍月餉與部庫墊款為數尤鉅紛紛摧提急於星火不得不量力勻撥以維大局前收之津捐釐金均係隨到隨支毫無儲積統計年內支放除有款可指外所短尙在百萬以外而來年應需經費尙不在內若不預為籌畫臨時設有貽誤關係匪輕督同在省司道公同籌議惟有按照歷辦成案勸諭通省紳民展辦備捐一項以資周轉查川省地方本年春糧秋稻收成均稔雖夏間雨水稍多無甚損礙體察賑情尙可避辦應請飭令各廳州縣富戶糧民量力捐輸仍照歷辦章程計糧額之多寡定捐數之等差如有中等之戶僅能捐金數兩或數十兩不敷議叙者亦一律收繳俾免阻其報効之忱仍彙計銀數加廣學額至零星小戶一概免捐總期於餉有濟於民無擾據省局司道詳請具奏前來臣伏查川省近年裁撤營勇停止兵差節省夫馬凡愛惜民力之政無不認真舉行倘能漸次停捐豈不甚善無如本省之

用資雖減各省之協款頻增轉輸不絕於途新舊欠餉愈鉅 奏催委提應接鮮暇不得不仍藉民力以  
期分濟該司道所請實為籌備要需起見似應照辦以維全局第小民踴勉輸將歷年過久深虞不支臣  
惟有督同藩司詳察各屬情形分別遞減捐數並將邊瘠州縣概予免捐庶於籌餉之中仍寓惜民之意  
至各省協餉紛繁只能量入為出儘力勻撥用期兼顧得 旨著照所請辦理其零星小戶概予免捐該  
督當隨時稽察不准藉端苛派以杜紛擾○辛丑九左宗棠請調劉銘棠為甘肅西甯道○總理各國事  
務衙門奏本年八月間據總稅務司赫德申稱同治二年間奉到 旨衙門飭文各關經費每年以七十萬  
二百兩為度嗣後稍加因領至七十四萬八千二百兩惟當同治元年時各關征收稅餉合計不過六百  
六十三萬至十三年則增至一千一百四十九萬稅餉日見增加則各口所需之人不能不逐漸加增統  
核各關經費所出之數已逾經費所入之數入不敷出仍請照前稅餉至一千萬兩即可增加經費之議  
准給經費一百二十萬兩等因 旨等查從前總稅務司李泰國請給各關經費 旨等以關口之大小稅務之  
繁簡擬定經費之多寡計給各海關每年經費七十萬二百兩於同治二年五月間附片陳明奉 旨允  
准在案四年冬間總稅務司赫德因牛莊關常洋兩稅較旺申請於該關按月坐支銀一千五百兩以資  
緝私六年三月間復據該總稅務司申稱山海東海臺灣淡水四關應月增經費二千五百兩藉以巡緝

偷漏等因均經臣衙門先後具奏奉 旨允准各在案現據總稅務司赫德申請添加各關經費等  
查同治二年間奏定經費七十萬二百兩其時一年所收之稅不過六百數十萬兩查同治十年至十三  
年每年各關均收至一千一百萬兩有餘經費自應議加該總稅務司中稱各關經費入不敷出亦係實  
在情形且同治六年間該總稅務司曾請加添經費等告以所收稅餉能否暢旺尙未可知如果將來  
收至一千萬兩以外確有成效屆時再議加增等語當於是年三月間附片內聲明惟現在稅餉已逾千  
萬該總稅務司連請添至一百二十萬兩之多等因奉 旨准其酌量酌於舊有經費七十四萬八千二百兩外增  
添三十五萬兩並與議定嗣後約以七十萬兩為收稅一千萬兩之經費將來關稅非過一千五百萬兩  
不得再為請益所有議加之經費三十五萬兩並前有之七十四萬八千二百兩統共各關經費每年一  
百九萬八千二百兩自本年十二月初五日第六十二結起查照發給如數 旨允准當由臣衙門分別咨  
劄戶部南北洋大臣暨總稅務司各關監督遵照辦理得 旨如所議行○壬寅以催索勇餉鼓譟滋事  
革雲南副將李棠秀職○廣雲南文武鄉試中額各十名○癸卯諭侍郎崇厚奏各省鄉試人數日多請  
分別省分派派考官一摺著禮部議奏○甲辰劉秉璋奏准戶部咨具奏江蘇等省應徵光緒元年分冬  
漕請 旨飭令各督撫規復本色由海運津以實倉儲一摺光緒元年八月初十日具奏奉 旨依議欽



此等因當卽轉行欽遵在案伏查漕糧爲 天庾正供例應徵收本色自當力圖達計何敢畏難因循第  
臣與司道悉心體察江西漕糧自咸豐年間改爲折色歷今垂二十年且原定折價較少每石收錢三千  
四百二十文就現在市價尙不敷購米一石之用江蘇近在海濱徵收本色每正漕一石完米一石三斗  
外加津貼錢一千文徵收折色每石徵錢四千五百文裁長補短並將漕項錢糧悉數動用僅敷運費江  
西距海口二千餘里無論在滬受兌或將輪船駛至九江兌收其運費總須倍增卽使援照江蘇成案本  
折兼收尙屬不敷辦運非量加津貼不可而江西折價相安已久人皆視爲故常一旦更章並令加增津  
貼民間必甚不便況本年四五月間雨水過多早收歉薄六月以後亢陽連旬晚稻減色民力資形拮据  
依前折徵猶恐輸將不易是加征則勢有難行別籌則款無所出至於征收米石首重倉廩江西有漕四  
十八縣州縣倉省倉均已焚燬無存之款修建剿運交兌尤賴舟楫山溪水淺宜用小船涉江渡湖又  
資巨艦糧船久已焚燬朽爛排造固限於財力欲僱民船亦復艱於招集凡此種種掣肘迭經前撫臣  
陳 聖聰上年採買米石由海運津原因籌濟京倉不得已而爲此權宜之計誠不免一石之糧抵兩石  
之價然起運本色其弊尙有不止於此者就江西目下情形本年冬漕惟有循舊徵解折價較有實際  
倘京倉需米孔殷祇合援照上屆成案由招商局承運承交在蘇皖一帶酌籌採買米石山海解通亦可

暫濟目前之用其餘仍解折色庶於籌裕倉儲之中仍寓軫恤民間之意下戶部議奏○乙巳李瀚章薛煥岑毓英奏光緒元年五月二十三日欽奉上諭本日有旨派李瀚章前往雲南查辦事件著卽迅速赴滇將馬嘉理被戕一案會同該督撫秉公核辦欽此八月初八日奉 上諭著吳棠傳知前侍郎薛煥迅速赴滇幫同李瀚章辦理一切以資得力各等因欽此臣恭報起程後隨即按站前進臣瀚章於十月十六日臣煥於十月二十三日先後抵滇沿途明查暗訪到省後會晤臣毓英面詢大概情形並調核前後卷宗將提到已獲各兇犯迅速派令幹員研訊確情具奏臣等伏查馬嘉理前次赴滇赴緬執有總理衙門護照沿途地方妥爲護送無誤嗣該洋人等由緬回滇中隔野人士司地界該處向多匪徒與野人勾結劫掠行旅其時騰越紳民紛紛傳播謂洋人等帶有洋兵多名將入關內該紳民素未識洋兵舉動恐其入境欺辱是以集團自衛身家而不法匪徒乃與野人伺隙乘機殺釀成事端雖該洋人自緬境折回未先知會地方官派人護送而騰越屬同知吳啟莊於紳民聚團時未能開導彈壓預防其漸及至中途失事追經臣毓英嚴檄勒拿數月之久始行獲犯緝捕遲延致外國有所藉口實屬辦理不謬署騰越鎮總兵蔣宗漢於庫轄地方出此巨案毫無覺察亦有應得之咎相應請 旨將騰越屬同知吳啟莊署騰越鎮總兵蔣宗漢一併撤任暫行革職歸案審訊如查有調兵阻止及指使戕害情事再行照例從嚴

究辦 上諭李瀚章等奏遵行查辦馬嘉理被戕大概情形請將辦理不善各員革職審訊一摺馬嘉理被戕一案現經李瀚章等明查暗訪調核全案卷宗派委幹員秉公嚴訊據奏由滇至緬中隔野人士司地界該處向多匪徒勾拾其時騰越紳民聞洋人帶有洋兵多名將入關內是以集團自衛馬嘉理由滇赴緬執有護照沿途地方妥爲護送無誤嗣山緬回滇未經知會地方官派人迎護以致不法匪徒伺隙乘機劫殺各情騰越屬同知吳啟廷於紳民衆團時未能開導彈壓先事預防迨失事後經岑毓英嚴札勒拿乃數月之久始行獲犯實屬辦理不善著騰越鎮總兵蔣宗漢於專轄地方出此巨案毫無覺察亦有應得之咎吳啟廷蔣宗漢均著撤任暫行革職歸案審訊如查有調兵阻止及指使戕害情事卽著李瀚章等確切研求以成信讞毋得稍有徇囑○榮全奏塔爾巴哈台創耕麥田已歷三年頗著成效請將在事出力官兵分別獎勵以策將來允之○丙午予貴州都勻府貞女周二姑周三姑婺川縣烈婦王李氏旌表○丁未雪○福建巡撫王凱泰卒予祭葬贈太子少保銜並於臺灣府城建祠○以丁日昌爲福建巡撫○命郎中陳蘭彬以三四品京堂候補並賞給二品頂戴○戊申以興奎爲浙江按察使○諭穆宗毅皇帝 孝哲毅皇后神牌升祔 奉先殿著派恭親王奕訢恭請 穆宗毅皇帝神牌禮親王世鐸恭請 孝哲毅皇后神牌並著恭親王奕訢恭代行禮致祭朕於次日恭詣 奉先殿行禮前期一日

著道官祇告 奉先殿至告祭 天地 太廟 社稷壇仍俟神牌升神 太廟時再行照例敬謹舉  
行○己酉子故福建巡撫王凱奏於福建省城建祠○庚戌御史梅啟熙奏易俗移風禮教爲重令行禁  
止法制宜嚴 前見禮部於八月間遵奉 諭旨申明舊例查照大清會典及通禮內開載官民吉凶禮  
節十九條刊刻頒發因已纖細靡遺矣惟是民間狃於積習仍復競爲美觀有司視爲具文未必認真查  
禁臣竊思今日之患患在貧耳其所以貧者由鮮衣美食漫無限制之故其所以漫無限制者由儻禮越  
分並無懲責之故卽如第一條內婚禮生監軍民人等不得僭用執事今則借用隔省隔府同姓顯宦之  
執事矣第三條內六品至九品具筵用牲三軍民人等具筵用牲二今則山珍海錯羅列鼎烹恣意殺牲  
不可以數計矣第十條內五品官以下不得用猢猻獠八品官以下不得用白豹天馬等皮今則奢侈相  
翹踵事增華凡衣秩微員俱混用猢猻獠天馬皮以爲誇美矣第十六條內奴僕優伶皂隸均不得服用  
紡絲絹綢緞紗綾羅各種細衣及石青色衣今乃夏令則新奇麗服冬令則重迭輕裘貴賤混淆幾不識  
爲服役之輩矣似此紛紛僭越耗費罔不待言且恐蕩檢踰閑伊於何底於人心風俗甚有關係夫生物  
之豐歉由天用物之多少由人乃於例不當用者而任意用之物產安得而不匱物價安得而不昂而無  
知愚民方且不惜重資竭力講求只圖華靡之交稱不慮驅盈之致敗又其甚者放僻邪侈動陷於罪皆

違例爭奢之一念誤之也然則欲滋培元氣當自挽回習俗始欲挽回習俗當自整飭規條始其整飭若何亦惟於例所宜禁者嚴行查禁而已其查禁若何 朝廷責成各大吏轉飭各府州縣敦實於每月朔望講約之期傳集紳士認真誥誡首先遵循以爲創率而已書曰慎乃儉德惟懷永圖易曰節以制度不傷財不害民毋謂細微當小懲而大戒毋謂繁瑣在挈領而提綱相應請 旨飭下各直省督撫府尹按照禮部前頒吉凶禮節十九條凡舊例所不得用者用之卽以僭越論其則以違旨論嚴飭各該地方官實力奉行毋得蹈因循弛禁之弊庶官民人等皆有所憚而不敢違從此由奢返儉品節秩然風俗日挽浮囂人心亦日臻樸茂矣 上諭御史梅啟熙奏請旨嚴杜僭越一摺前諭禮部將會典通禮內有關民間吉凶禮節者刊布通行特恐民間狃於積習仍復奢侈相沿僭越分漫無限制著各省督撫及府尹等卽將該部前頒各條通行曉諭實力奉行俾閭里咸知品節其有任意僭越者該地方官卽行禁止以昭崇儉去奢之意○甲寅以造言生事畏罪潛逃革西安駐防佐領銜儘先防禦桂鳳職並著查拿訊辦○金順奏巴里坤進北與科布多連界之都蘭哈喇舊有鉛廠餘存鉛沙甚多派員查看屬實奴才軍營各項軍火需用鉛斤繁鉅辦自內地迢遞數千里運腳維艱今既就近存有積沙擬派員鎔鍊運營以備攻戰而省運費並令儘備有之數鍊運完畢卽行撤回並不開挖新礦允之○乙卯以京師得雪稀少遣

恭親王奏請 大高殿恭代拈香○內辰飭任道銘連赴江西按察使任○丁巳瑞聯奏賊匪竄擾圍  
場勦辦獲勝請飭部籌撥兵餉以清欠款下戶部議○戊午冬至祀 天於 圓丘遣慶至恭代行禮○  
庚申諭前據御史鄧慶麟奏以長欺端冒製王爵亟宜迅速訊辦當經降旨令理藩院嚴訊具奏茲復據  
該御史奏稱案關冒製請飭嚴訊確情等語著刑部會同理藩院秉公訊辦○予故記名提督廣西右江  
鎮總兵張樹珊列入河南陳州府商水縣祀典副將劉榮朝郭有容都司馬壽文同知銜升用知縣李輝  
麟都司銜守備黃瀚附祀○辛酉總理各國事務衙門奏准軍機處交出署 盛京將軍崇實奏請嚴定  
私販外洋鎗礮罪名一摺光緒元年九月十二日奉 旨該衙門議奏欽此○等查原奏內稱前因奉省  
奸民牟取重利私售洋鎗礮械輾轉入於賊手以致擾害地方實屬不成事體是以前經奏明出示嚴禁  
並通飭各屬不時稽查有犯必懲以期誅一儆百現據營口洋鎗隊營總恩霖訪有旗人白玉芳等仍敢  
故違禁令私相與販即行捕獲並查起洋鎗洋藥銅帽等物稟送奉錦山海關道景福訊供詳請核辦查  
外洋鎗礮久為奉禁之物載在條約中外咸知此次徧張曉諭尤為共見共聞該犯等仍敢目無法紀興  
販如常且大小洋鎗洋礮多至六十三桿洋砂洋藥銅帽等亦至數百觔數萬粒之多雖訊無通賊確據  
而其玩法情形殊難輕縱若不科其罪名奸民何所儆惕惟查例文既無專條比擬復虞失當前此沿海

各省遇有此等案件辦理多不盡一畸輕畸重均不足以昭平允再四思維惟有請 旨嚴定罪名或飭下總理各國事務衙門會同刑部核其情節輕重數目多寡分別酌議治罪專條俾各有所遵守庶情罪毋虞出入辦理亦可畫一等因其奏前來查例載私鑄紅衣等大小徽位及擦鎗者不論官員軍民人等及鑄造匠役一併處斬如僅止私藏者於私鑄罪上減一等杖一百流三千里又律載民間私有應禁軍器一件杖八十每一件加一等私造者加私有罪一等各罪止杖一百流三千里又例載私造烏鎗杖一百枷號兩箇月私藏者杖九十枷號一箇月仍各照律每一件加一等罪止杖一百流三千里又內地民人窩國興販硫磺十觔以下杖一百十觔以上杖六十徒一年二十觔以上以次遞加五十觔以上杖一百流二千里八十觔以上杖一百流二千五百里一百觔杖一百流三千里百觔以上發近邊充軍若市經窩國尚未興販減興販罪一等炤硝每二觔作硫磺一觔科斷硝磺入官鄰保知情不首杖一百不知情杖八十挑夫船戶知情不首減本犯罪二等知情分贓與犯同罪賊重以枉法從重論首報人免罪仍照硝磺入官價值向本犯另追給賞如合成火藥與鹽徒不問觔數多寡發近邊充軍其本省銀匠藥鋪染房需用硝磺每次不許過十觔令其呈明地方官批限買完繳銷違者以私國論又內地奸民在產硝磺地方私行煎挖無論已未興販照臺灣之例科斷十觔以下杖一百刺字十觔以上杖六十徒一

年每十觔加一等百觔以上及合成火藥在十觔以上者照私鑄紅衣等大小礮位例處斬妻子緣坐財產入官如將硝磺濟匪以通賊論知情放縱及隱匿不首並與犯同罪至死減一等俟軍務完竣仍照舊例辦理各等語茲據該署將軍以訪獲旗人白玉芳等違禁私販大小洋鎗洋礮多至六十三桿洋砂洋藥銅帽等亦至數百觔數萬粒之多雖訊無通賊確據其玩法情形殊難輕縱若不嚴科其罪奸民何所儆惕惟例無專條比擬復虞失當請核其情節輕重數目多寡分別酌議治罪專條等因奏奉 諭旨著軍機門議奏等因查洋鎗洋礮來自外洋本係禁之物內地奸民牟取重利私自銷售輾轉入於賊手以致擾害地方誠不可不嚴行禁止惟查內地烏鎗礮位例有私造私鑄罪名即販買火藥硝磺定例亦以觔數多寡分別擬罪並無私販烏鎗作何治罪明文有犯向照私造例科斷則私販洋鎗亦應查照內地私造烏鎗例同科至私鑄礮位罪應擬斬推原例意係因其跡近叛逆故擬置重典若私販洋礮究與私鑄礮位有間未便比例遽擬斬首自應於私鑄礮位罪上酌量減等庶昭平允等因奉 諭旨嗣後私鑄私販洋礮之案應於私鑄大小礮位處斬例上酌減為發新疆給官兵為奴仍照例改發極邊足四千里充軍到配枷號六箇月販買洋鎗照私造烏鎗例枷號兩箇月杖一百每一件加一等罪止杖一百流三千里販買洋藥洋砂銅帽即照內地民人窩囤販販硫磺例分別觔數多寡定擬倘有濟匪情事均以



通賊論至近山濱海地方存備洋鎗守禦者亦應照烏鎗例必須報明地方官鑒刻姓名編號立案如有私藏照私藏烏鎗例案件治罪仍嚴禁不許藉端搜拏致滋擾累如此分別科斷庶奸民知所儆畏而私販之風可期盡絕如蒙 俞允應山刑部行文該將軍並通行各省督撫將軍都統府尹一體遵照辦理其該省現搜之白玉芳等私販洋鎗等物一案應令該署將軍即照新定章程速行審擬報部待 旨如所議行○諭丁寶楨奏請將籌撥工需各員獎勵等語本年春間山東賈莊河工緊要經各省不分畛域將指撥各餉趕緊籌解得以迅速竣工該司道等尙屬著有微勞自應量予獎敘江甯布政使梅啟照前署江蘇布政使應寶時江蘇布政使恩錫前署安徽布政使孫衣言江西布政使李文敏前湖北布政使林之望湖南布政使涂宗瀛兩淮鹽運使方濬頤均著交部從優議敘湖北辦理鹽釐局務前署湖北鹽法道恭釗著賞戴花翎○壬戌諭前據王文韶奏候補三品京堂劉典懇請在籍養親治病當經降旨允准毋庸幫辦陝甘軍務嗣據譚鍾麟左宗棠先後奏稱陝甘後路防軍需員襄理復諭令劉典仍遵前旨迅赴蘭州茲據該京卿奏報起程著即迅速前往幫辦陝甘軍務用副委任○癸亥遣恭親王奕訢詣大高殿恭代拈香祈雪○是月以三品京堂陳蘭彬同知容闕爲出使美國日國秘國欽差大臣